



MB nobo a drenta na vigor: Lo instala comision independiente pa evalua posibilidadnan di traspaso di permiso di taxi



Pagina 4

- Instalacion di palonan pa e Multi-Hazard Early Warning System (MHEWS) di Aruba ta andando

Pagina 2

- Minister Ursell Arends ta anuncia e siguiente paso den e transformacion di ex-dump Parkietenbos pa un parke solar

Pagina 6

- IVA: tur ciudadano mester reporta abuso y maltrato

Pagina 3

Encuentro desagrabel entre turista y ciudadano local na beach publico



Pagina 2

Mas y mas mucha na Den Haag no ta bay scol y ta keda cas



Pagina 8

Brazil a blokia red social "X"



Pagina 9

Encuentro desagradabel entre turista y ciudadano local na beach publico

Ayera riba rednan social un turista cu tabata di bishita Baby Beach hunto cu su famia a publica e storia di un encuentro un poco desagradabel cu el a pasa cu un persona local na momento cu e tabata buscando un luga pa pasa un rato y disfruta di e beach.

Segun e publicacion di e bishitante, recien cu el a yega Baby Beach y tabata preparando pa pone su pertenecianan banda di un palapa na Baby Beach, un ciudadano local a bisele cu no por haci esey pasobra el a reserva e palapa pa su protesta.

“Dentro di un minuut despues di yega na Baby Beach y pone e serbete di mi yiu y e weganan di beach cerca di un



palapa, un señora a bisa nos cu nos mester bay y cu el a “reserva” e palapa pa su protesta. El a bisa cu si nos no respeta su espacio, nos mester bandona e isla. Y cu nos no tabata bonbini pa pone nos cosnan cerca su dos palapanan “reserva.” E ta un playa publico, corecto?”, e turista a

publica.

El a sigui splica cu e incidente a pasa cerca di un establecimiento di negoshi na e beach aki y cu un señora amabel a yuda nan y a aleha nan di e gritamento di e “maniatico”. El a bisa cu aparatadamente, polis a wordo yama dos biaha

caba e mainta ey pa e señora ey pa grita turista y bisa cu turista ta maltrata e luga caminda e ta biba.

E accion di protesta aki ta parti di e movimiento di e activista Nigel Maduro, ken ta organisa un “Beach Party” como un accion di protesta pa proteha e beachnan pa futuro generacionnan.

E publicacion aki a ribi basta reaccion y mas di 200 comentario di tanto local como turista.

Opinion tocante e incidente ta dividi, cu algun persona subrayando cu en berdad e beach y palapanan ta publico y cu no tabata corecto cu e persona aki a core cu e turista pa simplemente pone su pertenecianan banda di un

palapa cu el a “reserva”.

Di otro banda algun otro usuario ta compronde y ta apoya e causa, mirando cu poco poco turismo ta apoderando di varios espacionan publico lagando e localnan cu poco oportunidad pa disfruta. Pero hopi ta subraya cu e manera con e persona local aki a actua y core cu e turista y su yiu, no tabata e manera corecto.

E tema aki ta uno cu frecuentemente ta den medianan social, treci pa dilanti sobretodo pa ciudadanonan local cu ta muestra nan malcontento pa motibo cu nan ta sinti cu poco poco nan ta perde nan derecho di disfruta di e beachnan publico di nan pais pasobra turistanan tin e preferencia.

Instalacion di palonan pa e Multi-Hazard Early Warning System (MHEWS) di Aruba ta andando

Crisis Management Office (CMO) a informa cu e palonan aki ta un componente crucial di e tecnologia avansa cu lo mehora e preparacion di e isla pa desasternan natural, incluyendo inundacion, temblor, horcan y tsunami.

E colocacion strategico di e palonan di MHEWS aki rond Aruba ta representa un paso significativo den e compromiso cu seguridad publico, manera CMO a anuncia. E infraestructura aki lo forma e weso di lomba di un sistema diseña pa salba bida, reduci daño na propiedad y mehora capacidnan di contesta na calamidad.

Early Warning System (MHEWS) ta un sistema avansa cu por detecta varios tipo di desaster natural manera inundacion, terremoto, horcan, tsunami y ta duna alerta na tempo. Ta crucial pa un pais tin un MHEWS pasobra e ta yuda pa salba bida. Aruba ta un di e prome paisnan den region cu tin un tal sistema y cu ta cumpli cu e requisito global pa tin un prome cu 2027.

Na juni di aña pasa, a bira conoci e noticia cu Aruba ta financia door di Union Europeo pa haci un “Early Warning System” esaki ta un sistema cu ta analisa por



ehemplo, fenomenonan meteorologico, sismatologico y asina por yega na conclusion-

nan y duna avisanan trempan, nan ta bay duna training y preparacion pa e sistema

nobo aki. Importante ta cu e aviso mester yega tur caminda, cu e

avisanan ta den tur idioma posibel, cu por yega te hasta e persona cu ta hike den mondi cu no tin comunicacion, pero e tambe por haya e informacion ey.

Tambe e sistema ta guia y yuda nan con ta cuminsa un proceso di evacuacion y con por tuma medidanan di precaucion, esey ta e sistema di Early Warning System. E meta ta pa tin mas seguridad, scapa bida di hende y minimalisa e dañonan pa asina haya e forsa pa recupera back. Esfuersonan ta wordo haci pa logra un Aruba mas resiliente contra cualkier calamidad. E cual a logra cu fondonan di Union Europeo, pa esaki bira realidad.

CMO a inscribi na Union Europeo pa e proyecto aki manera a indica, pa haci petitionnan na Union Europeo no ta facil pa motibo cu tin masha hopi burocracia y ta complica, segun a yega di expresa.

E noticia a drenta cu Union Europeo ta financia 1.7 milyon euro pa e proyecto Early Warning System y cu esaki, Aruba ta bira un pionero den Caribe, un role model pa otro paisnan den Caribe, na unda Nacionnan Uni ya a stipula cu dentro di 5 aña tur pais den Caribe mester tin un sistema asina y Aruba ta canando adelanta den esaki.

Inspectie Volksgezondheid Aruba: tur ciudadano mester reporta abuso y maltrato

Recientemente, Inspectie Volksgezondheid Aruba (IVA) a actualisa e guia y maneho pa dunadonan di cuido reporta tur abuso y maltrato, incluyendo abuso sexual, e cual no ta permiti caminda tin un proceso pa atende cu es-akinan.

E definicion di violencia den e relacion di cuido, di acuerdo cu e memorandum di splicacion di articulo 8, lid 1, sub b di LKIG, ta indica cu esaki ta e caso cu: "abuso, pero tambe casonan di abuso sexual cu ta involvi un dunado di cuido of un cliente ta involvi.

En general, esaki ta conta pa un cliente, un dunado di cuido y su personal cu ta den un posicion dependiente y vulnerabel.

Casonan di abuso den e posicion aki door di of den e organizacion di e dunado di cuido pues mester wordo reporta na Inspectie Volksgezondheid mas pronto posibel, como cu nan por ta indicativo di abuso serio door di e dunado di cuido y ta forma un menasa serio pa e calidad y reputacion di cuido di salud.

Conforme articulo 2:208 lid 2 sub c y 2:254 di Codice Penal di Aruba "E ta castigabel pa cualkier hende cu ta traha den cuido di salud cu comete acto sexual cu un hende cu, como pashent of cliente, a confia su mes na su yudansa of cuido of e persona cu menasa di violencia of un otro acto, dirigi contra e suheto mes of un tercer parti, ta ob-



liga e otro aki pa haci, pa no haci of pa tolera algo."

E Inspeccion di Comportacion Sexual (SGOG) ta duna splicacion pa cada forma di violencia (verbal y fisico).

E ta un comportacion cu ta surpasa e limitenan, incluyendo:

- Mensahenan, comentari- onan, accionnan sexualmente inapropia, etc.
- Kitamento di paña innecesario.
- Examinacion interno y externo innecesario.
- Agresion sexual.
- Violacion.

E comportacion aki ta sosode tur caminda den sociedad y pues tambe den cuido di salud. Mal conducta sexual, ademas di otro forma di violencia, nunca ta permiti den e relacion entre un dunado di cuido y cliente.

Dicon reporta violencia den e relacion di cuido na IVA? Banda di e obligacion di dunadonan di cuido pa informa situacion di violencia den e relacion di cuido di salud na Inspeccion a base di e Ordenansa Nacional di Calidad den Cuido di Salud (aki despues LKIG), dunadonan di cuido ta responsabel pa duna bon cuido.

Cuido sigur no ta referi solamente na e aspectonan medico, pero tambe e aspectonan social: e ta tocante un relacion di cuido sigur. Un bon relacion di cuido ta basa riba confiansa y seguridad. P'esey e cliente mester por depende riba e experticio di un dunado di cuido. Tur dunado di cuido (como responsabel na final) mester por atende cu e cliente cuidadosamente, cu experticio y profesionalmente.

E tres pilar di un relacion di cuido sigur ta: 1. Conscienti- sacion 2. Prevencion 3. Inter- vencion.

Kico ta sucede despues cu a meld?

Si e dunado di cuido acusa ta traha den di un instituto di cuido, e institucion mester haci su mes investigacion riba e incidente y entrega e rapport di investigacion 'vio- lencia den e relacion di cuido' via meldpunt@iva.aw.

E investigacion mester ser completa den un maximo di 10 siman. E investigacion di e dunado di cuido mester en- foca riba e calidad y seguridad di e cuido cu ta ser duna. Ade- mas di un analisis profundo, mester pone atencion special na e pilarnan di un relacion di cuido sigur; conscienti- sacion, prevencion, intervencion.

Si mester di mas tempo pa haci e investigacion, por pidi posponemento via e me- sun e-mail menciona an- teriormente. Un motibo pa pospone mester wordo indica hunto cu e fecha riba cua bo por entrega e rapport.

Posibel motibonan pa pidi un pospone ta inclui: un evento complica den e cadena di cui- do di salu of cu mester trece experticio di pafo. Mester en- tregra un peticion pa pospone- mento dentro di e periodo di investigacion di 10 siman. E persona lo ricibi un mensahe di IVA si nan ta bay di acuer- do cu e posponemento.

Inspeccion ta spera cu e inves- tigation lo ser haci a base di e exigencianan di investigacion cu Inspeccion ta pone pa un investigacion asina. Un re- construccion di e sucesonan

y un analisis di e hechonan ta importante.

Kico por haci realmente como un dunado di cuido di salud? Riba ki base a establece e hechonan aki? Por ehem- pel, tin testigo, e-mail, men- sahe di WhatsApp of potret? Ademas, nan kier sa kico como dunado di cuido a haci y lo haci pa mehora e segu- ridad di relacionnan di cuido (e efecto di siñamento). Tam- be Inspeccion ke sa si tin un maneho specifico existente caba riba esaki y di ki forma a atende e tema aki den pasado.

Tambe ta importante pa un comision experto y inde- pendiente investiga e suceso metodicamente y sistemati- camente (por ehemplo un comision di emergencia). Caminda ta posibel, laga e investigacion conduci door di un ta componi di repre- sentantenan di tur disciplina involvi.

Tambe ta responsabilidad di e director pa zorg pa e con- tenido di e resultadonan ta wordo comparti cu e cliente y e dunado di cuido involvi.

E proceso di investigacion mester ta adecua y cuidadoso, cu deficiencianan identifica mester conduci na medidan- an di mehoracion formula pa SMART (Specifico, Midibel, Aceptabel, Realistico, Liga na Tempo), cu ta ser ratifica door di e director.



Like
us on 
Facebook

facebook.com/bondianoticia

MB nobo a drenta na vigor:

Lo instala comision independiente pa evalua posibilidadnan di traspaso di permiso di taxi

Den nos edicion di diasabra 31 di augustus Bon Dia Aruba a publica un prime parti di e Ministeriele Beeschikking (MB) nobo cu minister di Transporte, Integridad, Naturaleza y Asuntonan di Adulto Mayor, Ursell Arends, a firma pa loke ta trata ehecutcion di maneho pa traspaso di permiso di taxi, cual oficialmente a renta na vigor ayera 1 di september.

Den e segundo parti aki, ta aclaria otro puntonan relevante y ademas ta splica tocante decisionnan adicional cu a wordo tuma pa ahusta e MB.

Den e MB nobo aki ta remarca cu pa e bon orden y pa evita mal comprendimento no necesario, ta wordo nota cu e decision den e disposicion ministerial inicial di 31 di juli 2024 cu ta indica cu peticionnan pa traspaso di permiso riba a base di articulo 15 di e Ordenansa Nacional pa Transporte di Persona, na principio - no lo wordo otorga, ta keda sin efecto cu peticionnan por wordo sometí y nan lo wordo evalua individualmente pa cada peticion, unda un baloracion di interes corecto lo tuma lugar.

Segun e documento ta indica, teniendo na cuenta e factor di transparencia cu minister di Transporte kier logra, ta considera deseabel pa ta transparente cu e titularnan di permiso y pueblo tocante e factornan di peso di interes general, cu lo wordo considera den decision durante un potestad discrecional di e minister.

Den otro palabra, e MB ta subraya cu e minister no kier crea expectativanan falso na e titularnan di permiso y ciudadano cu kier haci peticion pa traspaso. E documento ta aclaria cu cu na principio e caminda pa un permiso ta via un aplicacion nobo y cu nan lo tuma e pasonan necesario pa haci esey un posibilidad real. Esaki incluyendo un proceso claro y transparente pa e orden den cual permisionan lo wordo otorga na aplicantenan cu ta cumpli cu tur condicion.

Den e MB nobo ta splica cu e proceso pa e orden den cual



permisionan lo wordo otorga a cuminsa. Desde december 2023 te februari 2024 tur persona cu tin un 'aplicacion pendiente' por registra online via e website di e Bureau Interne Diensten (bid.aw). Cu esaki, un resumen cronologico di aplicacion a wordo crea, y tambe a wordo constata ken nan, despues di hopi aña di warda, ainda tin interes pa ricibi un permiso di taxi. Hulpchauffeurnan interesa tambe lo wordo inclui den e resumen.

E hulpchauffeurnan por wordo poni cronologicamente den e lista basa riba e fecha den cual nan a cuminsa como hulpchauffeur. Asina, hulpchauffeur, hopi di nan cu ta den un situacion di dependencia na titularnan di permiso y cu e suposicion cu nan so por bira titular di permiso via un titular di permiso, ta fortalece nan posicion pa bira un titular di permiso di nan mes. E lista lo wordo mancha cronologicamente, semper cuminsando cu e fecha mas bieuw ('first in, first out').

Durante e transicion pa kibra un sistema de facto sera, y pa logra oportunidadnan igual pa ciudadano pa por opta pa un permiso, ta considera razonabel pa tene den consideracion cu ta necesario pa evita cu titularnan di permiso y/of e famia di un titularnan

di permiso pa un dia pa otro, por ehempel pa motibonan di morto of problema di salud serio, ta keda sin ingreso.

Siguientemene decisionnan pa e periodo te cu e cambio legislativo formal, cu por eventualmente dispone den un otro tipo di transicion. E decisionnan aki lo drenta na vigor riba e fecha di entrada di e disposicion ministerial aki.

Pa loke ta implementacion di articulo 11 di Ordenansa Nacional pa Transporte di Persona, por pasa cu titularnan di permiso ta incapaz di mancha un vehiculo motorisa pa un periodo largo di tempo pa motibonan di malesa of problema di salud serio, y na mesun tempo no tin un seguro di accidente, no tin suficiente placa gespaar, no a forma un pensioen y no por depende di familiarnan cercano of e sistema social pa ayuda financiero.

Articulo 11, prome y di dos paragraaf ta ofrece e posibilidad den tal caso. Na beneficio di un tal titular di permiso y/of e famia di e titular di permiso, articulo 11 den tal caso por wordo implementa pa un periodo pa e duracion di e permiso. Riba base di e permiso di e titular di permiso, e titular di permiso y/of e famia di e titular di permiso por wordo sosteni via un

hulpchauffeur cu por wordo sosteni, pa e duracion di e permiso, na e necesidadnan di bida di e titular di permiso y/of e famia di e titular di permiso.

E MB ta remarca cu den caso cu e permiso lo ta kedando sin vigencia mientras cu e titular di permiso ta considera necesario un traspaso pa por sostene e necesidadnan di bida di e titular di permiso y/of e famia di e titular di permiso, un comision independiente lo conseha den e evaluacion individual di interes na e peticion pa traspaso, pa extento cu e condicionnan ta wordo cumpli, si ta irasonabel pa no otorga e peticion di traspaso.

E comision independiente ta consisti di tres of cinco persona cu tin e conocimiento necesario pa e tipo di evaluacion menciona. E miembro lo wordo indica riba base di un perfil di seleccion determina pa e minister. Dependiendo di e cantidad di miembro, tres of cinco, respectivamente un of dos miembro lo wordo recomenda pa representa e taxistanan.

E comision independiente lo entrega su recomendacion y conseho na e minister y e minister lo dicidi riba un peticion teniendo den consideracion e standardnan pa e

evaluacion di transitorio. Informacion riba cada peticion, cu decision relaciona y den extento posibel documentonan relevante, lo wordo publica anonimamente y lo wordo pone disponibel pa Parlamento.

Pro ultimo, e MB nobo ta indica cu ofishi den un profesion independiente ta generalmente trece cune e deseo di haci provision pa pensioen of un plan di spaar adicional, como tambe seguro di bida y/of discapacidad laboral pa eventualidadnan no previsto. Pa no haci provision financiero, e titular di permiso cu no haci esaki inicialmente tin menos gasto y e titular di permiso inicialmente ta keda cu mas placa. Pero e falta di provision financiero ta trece tambe riesgo financiero, tanto riba termino cortico y largo. Via combersacionnan adicional, y eventualmente via obligacionnan specifico den e condicionnan di permiso, provision di seguridad financiero responsabel pa un plan di pensioen of spaar, eventualidadnan di accidente of morto, como tambe e cumplimiento di obligacionnan fiscal y registracion den e registro di comercio lo wordo stimula y promovi. Den extento posibel, e minister lo funciona tambe den un rol di facilitador pa identifica y haci provision di esakinan.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroe (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Prome siman di september ta siman di Siñamento Digital

Siman di Siñamento Digital ta e evento anual di UNESCO riba siñamento digital y e transformacion di enseñansa e cual lo tuma luga e siman aki for di 2 te cu 5 di september na UNESCO di Paris.

Lansa na 2023, construyendo riba e Siman di Siñamento Mobil di UNESCO durante e ultimo decada, e evento anual ta reuni e comunidad di lidernan di educacion digital, trahadonan di politica, investigadonan y practicanan di varios organisacion, incluyendo instancianan di Nacionnan Uni, gobiernonan, NGO y e sector priva pa guia tecnologia pa enseñansa.

E siman aki, ta presenta un oportunidad unico pa participa den discusionnan dinamico y cu ta pone pensa, riba dialogo y intercambio di ideanan innovativo pa fomenta co-creacion significativa y esfuersonan colaboracion pa avansa den transformacion digital di enseñansa y “re-imagina nos futuro hunto.”

E sociedad humano ta enfrenta e reto dobel di transicion digital y ecologico. Aunke tecnologia ta priminti progreso, e ta introduci preguntanan etico tambe, specialmente cu inteligencia artificial y ta acelera e impacto di digitalisacion riba cambio di clima. E aumento rapido di AI generativo ta superando adaptacionnan articulatorio, e modelo di extraccion di e economia digital y e-waste ta mina desaroyo sostenibel.

Sistemanan di educacion mester fomenta mentalidadnan enfoca riba hende y competencianan digital pa alinea e transicion aki, garantizando cu tecnologia ta sostene



metanan sostenibel y etico.

Siman di Siñamento Digital di UNESCO 2024 tin como meta pa explora e lasonan entre e dos transicion aki pa promove e uso responsabel di tecnologia digital den enseñansa.

Kico educacion por haci pa trece e dos transicion aki hunto y haci nan mas confiabel y reforsa otro? Fuera di adopta pasivamente tecnologianan digital pa sostene metanan di educacion, ta sistemanan di educacion cu mester asumi e responsabilidadnan pa fomenta enfoca riba hende y competencianan

digital pa yuda garantisa cu transicion digital tambe ta transicion sostenibel.

Politica di educacion, investigacion y practica tambe mester dirigi proactivamente e diseño y uso di inteligencia artificial confiabel pa combati mal informacion riba cambio di clima y pa educa e publico riba e resultadonan di siñamento enfoca riba cambio di clima manera ta enfatisa den e trabou di e Greening Education Partnership.

Dirigi e acercamento riba hende pa e diseño y uso di tecnologia digital pa enseñansa ta netamente e vision cu ta bin dilanti den e Siman di Siñamento Digital cu UNESCO a lansa na 2023 bou di e lema di “Dirigi Tecnologia pa Enseñansa.”

Cuadro di Competencia di AI di UNESCO pa Studentenan di Scol: E Cuadro di competencianan di IA aki ta diseña pa guia e preparacion di studentenan di scol pa ta usuarioan responsabel di IA y co-creadonan capaz pa lidera den e definicion y diseño di e siguiente generacionnan di inteligencia artificial enfoca riba hende y ‘climate-friendly’.

Cuadro di Competencia di UNESCO AI pa Maestronan:

E Cuadro di competencianan di IA asocia aki tin como meta pa guia y sostene maestronan pa bira diseñadonan y usuarioan di IA responsabel pa hende den enseñansa y facilita siñamento, pa sostene studentenan den e adquisicion di competencia di inteligencia artificial como parti di educacion di ciudadanonan digital.

Un rol exploratorio riba educacion na e crusada di e transicion digital y sostenibel, unda e rol aki ta explora e interconexion diverso entre transicion digital y sostenibel den enseñansa, for di e uso di siñamento digital pa promove conscientisacion y accion ambiental bou di docentenan, te na un miho comprendemento di e impacto adverso di digitalisacion di enseñansa riba e ambiente y strategianan pa mitiga esaki.

E participantenan den esaki ta ministernan y esnan cu ta crea politica di gobiernonan; hefenan y representantenan di instancianan di Nacionnan Uni of organisacionnan internacional y otro partnernan di desaroyo, companianan priva y organisacionnan di sociedad civil; hubentud gruponan; investigadonan y profesionalnan di educacion.

Actualmente, ta calcula cu di 7 bion hende cu ta habita e planeta aki, 6 bion tin acceso na un telefon inteligente, tablet y laptop. Aparatonan electronico asina ta aumenta oportunidadnan y acceso na e sector educativo, specialmente den areanan cu recursonan educativo tradicional limita.

E sector educacional ta un di e areanan cu ta beneficia mas tanto di siñamento mobil, adaptando na e era nobo di informacion pa medio di imagen, video y otro recursonan den klasnan y espacio educativo.

Mobile Learning (M-Learning) of siñamento mobil ta un tipo di siñamento a traves di uso di aparatonan mobil (smartphone, tablet, PC, entre otro) cu efectividad wireless, caracteriza pa flexibilidad y accesibilidad na informacion.

UNESCO a prepara e documento “Liñanan di guia pa politica di siñamento mobil”, cu e meta pa adapta e espacio educativo na siñamento mobil.



Minister Ursell Arends ta anuncia e siguiente paso den e transformacion di ex-dump Parkietenbos pa un parke solar

Durante conferencia di prensa diahuebs 29 di augustus, Minister di Naturalesa, Sr. Ursell Arends a orguyosamente anuncia e siguiente stap di saneamento di Parkietenbos. Un paso significativo cu ta marca un capitulo nobo pa e area aki.

For di 31 di december 2022, e dump di Parkietenbos a wordo cera definitivamente pa publico. Esaki ta un logro importante den nos mision mas amplio pa rehabilita e tereno y converti'e den un espacio cu lo beneficia comunidad y medio ambiente. E prome paso crucial den e proceso aki tabata pa stop e fluho di desperdicio pa e sitio, redirigi esaki pa otro compania cu ta ekipa pa mancha e materialnan cu mas responsabilidad.

Durante 70 aña, e dump di Parkietenbos tabata un simbolo y resultado di practicanan no sostenibel ni responsabel. Cu candelanan constante e tabata un molester grandi pa e bisindario. E ciere aki ta refleha un cambio for di un modelo economico linear



y tradicional, na un aproximacion mas circular y moderno, cu un bista pa futuro.

E prome paso tabata pa redirigi e desperdicio cu ainda tabata yegando e dump di Parkietenbos pa otro companianan. Ya caba, desde 2018, desperdicio residencial y comercial, e asina yama 'Municipal Solid Waste' tabata bayendo Ecotech FZ. E otro tiponan, por ehempel, green waste, construccion y demolicion, metal, taira—

tur a wordo redirigi pa diferente companianan. Unabes cu no tabata tin desperdicio yegando riba dump di Parkietenbos mas, Serlimar a cuminsa prepara e tereno pa e trabounan pa cu saneamento. E proceso a inclui separacion y redireccion di e materialnan acumula riba e dump, manera metal y taira, pa facilidadnan apropiada, evitando e riesgo di candelanan y peligro pa e medio ambiente y bisindario. Minister Arends a duna di conoce cu ainda tin mas

trabou pa haci, particularmente na parti di costa, unda ekipo special ta necesario pa por recoge esakinan den un forma responsabel y sigur pa e trahadonan di Serlimar.

Serlimar a haci peticion pa un hindervergunning pa cu e trabounan di saneamento cu lo mester tuma lugar. E peticion a wordo entrega na DWJZ riba 15 di maart 2023 y Ministerio ta pending ainda. "Locual si mi por segura ta cu ningun tra-

bou di saneamento lo tuma lugar sin cu Serlimar tin nan hindervergunning. Esaki ta un instruccion tambe di Ministerio pa Serlimar S.G", Minister Arends ta enfatisa.

Asina yama "monitoring wells" lo wordo instala na varios punto riba e sitio na Parkietenbos cual lo duna dato esencial tocante e composicion di den e cero entre otro presencia di gas di metano, y estabilidad di e sitio mientras cu trabou ta continua. E "monitoring wells" aki tambe lo monitoria cualkier contaminacion cu por drenta lama, dunando oportunidad pa mitiga esaki como parti de e diseño di e saneamento.

E trabou pa remedia e asbesto, cu a wordo anuncia riba 23 di augustus 2024, lo inclui e construccion di un cel nobo pa asbesto, pa mancha y contene e material peligroso na un manera sigur. Inspeccionnan a revela e presencia di 27 container di asbesto cu mester wordo mancha cu cuido pa preveni riesgo pa salud durante e trabaonan, pero tambe pa den futuro.

Minister Dangui Oduber

Resultadonan di juli 2024 ta sigui muestra e importancia di turismo

Minister di Turismo y Salud Publico Sr. Dangui Oduber ta informa comunidad cu e resultadonan di turismo pa luna di juli 2024 a drenta. A ser demostra cu luna di juli 2024 a habri cu 123,437 bishitante cu ta un crecimiento 9.4% compara cu mesun luna di 2023.

Aruba ta keda un isla den Caribe hopi popular pa bishita. E demanda pa Aruba ta keda

grandisimo y nos ta keda entre e paisnan den Caribe cu mas demanda. Esaki ta bini danki na estabilidad politico cu tin, seguridad y un maneho dirigi riba sostenibilidad.

Turistanan ta keda hopi satisfecho cu Aruba y ta clasifica e "Guest experience" cu un 9.0 y desde 2023 ATA a cuminsa midir e impacto economico di "short term rentals". Ta midir e impacto aki cu Average Daily Rate (ADR) cu ta


na \$306 y Occupancy Rate cu ta na 50.5% cu un entrada di \$20,231.887 pa e luna di juli 2024.

Aruba Tourism Authority (ATA) a cuminsa midir cu VISA con y unda e turista ta gasta mas. E categoria cu nos turista ta gasta aden ta: 1. Restaurant cu (\$42,887.963) 2. Hotel cu (\$35,233.357) y 3. Compras cu (\$33,755.015). E ser demostra cu e crecimiento mas significante tabata den fuel y transporte.

Minister Oduber conhuntamente cu tur e partnernan ta trahando hunto pa sigui cu e vision di atrae turistanan usando e concepto di "High Value, Low Impact Tourism Model" pa asina por enfoca ariba e mercado specifico aki y creando un mercado mas luhoso pa atrae e tipo di bishitante cu ta gasta hopi den e economia di Aruba. Minister Oduber su enfoka ta hopi cla, calidad riba cantidad, limita, mitiga y para ex-

pansionnan di mas camber di hotel y enfoca riba un crecimiento di turismo responsabel.

Minister Dangui Oduber ta gradici tur e partnernan den turismo cu ta haci cu Aruba ta keda un isla den Caribe hopi popular pa bishita. Considerando e performance den luna di juli 2024, por bisa cu ta uno cu resultado positivo pa e economia di Aruba.



Den e area mas rico di Sur Africa, transmision di HIV di mama pa baby ta un preocupacion a pesar di prevencion gratis

(AP)—E ta un pregunta preocupante pa oficialnan di salud den un di e areanan mas rico y mas desaroya di e continente Africano: Pakico baby ta nace u HIV si tin medicamento gratis pa preveni transmision di mama pa baby?

Den e prome mita di aña, 232 baby a nace cu HIV den e region Guateng di Sur Africa, cual ta inclui Johannesburg y e capital di Pretoria y ta cas di al menos 15 miyon hende.

Transmision di HIV di mama pa baby ta keda globalmente un preocupacion pa UNAIDS, cual ta calcula cu tin 120,000 infeccion nobo anualmente den muchanan di 14 aña bay abao rond mundo, mientras cu mas di 1.3 miyon mucha ta bibando cu HIV.

Sur Africa tin un di e gradonan mas halto di HIV na mundo. Aproximadamente 12.7 por ciento di su poblacion of aproximadamente 7.9 miyon hende, ta biba cu HIV. E pais tin aproximadamente 150,000 infeccion nobo tur

aña. Hende muhe na estado den Sur Africa por haya acceso na test pa HIV y terapia antiretroviral gratis for di facilidadnan di cuido. No ta claro pakico e mas cu 200 hende muhe na estado den Guateng no a probecha di e servicionan e aña aki, of pakico 211 hende muhe den e segunda mita di aña pasa no a haci esey tampoco.

E data den Guateng ta muestra c hopi di e mamanan cu a duna luz e aña aki na muchanan cu HIV a haci esaki den clinicanan di salud gubernamental unda test y tratamiento pa HIV ta gratis.

Al menos 55 baby a nace na Johannesburg, cual tin 125 clinica, y 39 a nace na Pretoria, cual in 25 clinica. Expertonan a bisa cu un factor contribuyente ta e fracaso di algun hende muhe na estado pa presenta nan mes na un clinica ora nan cay na estado, cu algun hende muhe cu no ta consciente di nan status di HIV.

Otro hende muhe na estado



ta ricibi medicamento pero e tratamiento ta ser interumpi pa varios motibo incluyendo migracion. Algun hende muhe na estado ta ser infecta durante embarasa of mientras

nan ta duna lechi di pecho. Y algun hende muhe no ta mantene na e liñanan di guia di duna lechi di pecho continuamente y exclusivamente durante e prome seis lunanan

di e baby su bida. Factornan asina por ser observa globalmente den transmisionnan di mama pa baby.

Hulanda: Hopi mucha actualmente infecta cu impetigo

(NLTimes)--Actualmente hopi mucha ta sufriendo di impetigo na Hulanda, cual ta un inflamacion di cuero caracteriza pa manchanan cora of blaar cu casca geel. Institucion di investigacion Nivel, cual ta registra data for di dokternan di cas, no tin spliacion pa e aumento pero

a bisa di cu esaki sa pasa frecuentemente den temporada di verano.

Aproximadamente 500 di cada 100,000 mucha cuatro aña bay abao a bay cerca nan dokter cu impetigo siman pasa. Esaki ta e cantidad di infeccionnan registra di impetigo mas halto den e ultimo par

aña. Dokternan ta cas a mira aproximadamente 400 den e 100,000 mucha bin cerca nan impetigo na september aña pasa.

Ademas, aproximadamente 300 di e 100,000 mucha entre edad di 5 pa 14 aña a bay cerca un dokter, cual ta e mesun cifra cu e peak di aña pasa.



Hulanda: Mas cu 4 miyon hende a indica cu nan no kier ta donante di organo

(NLTimes)—Mas cu cuatro miyon hende na Hulanda cu a yena un registracion di donacion di organo a bisa cu nan no kier ta donante di organo. Menos di cinco miyon hende solamente a responde cu nan ta disponible como donante. Mas cu 1.5 miyon hende lo laga e decision aki na nan ser keru.

Centrale Bureau voor de Statistiek Hulandes (CBS) a reporta esaki den colaboracion cu e Donorregister. Aproximadamente 10.6 miyon hende a yena nan escogencia dia 1 di januari. Na



2020, e aña cu e ley di donante a bay den efecto, e cantidad aki tabata solamente 6.9 mi-

yon. E ley di donante ta bisa actualmente cu tur residente di Hulanda 18 aña bay ariba

“no tin obhecion pa donacion di organo” si nan no a indica esaki. E cantidad di hende c a duna permiso pa donacion di organo a crece pa un miyon desde 2020 pa exactamente 4.8 miyon. E cantidad di hende cu no a duna permiso actualmente ta 2 miyon mas halto cu cuatro aña pasa, na 4.3 miyon.

“Adultonan cu historia no Hulandes a indica casi dos biaha mesun hopi cu nan no kier ta donante compara cu adultonan cu un historia Hulandes,” e investigador a bisa.

“Hende cu historia no Hulandes ta menos probable pa ta donante di organo, cual por posiblemente resulta den un deficit den e grupo aki. E chens pa haya un organo cu ta fit y no ta ser rechasa pa e organo a bin for di un persona cu e mesun historia,” nan a splica.

Aproximadamente 49 por ciento di e poblacion di 18 aña bay ariba a tuma nan mesun decision dia 1 di januari, 2020, compara cu 72 por ciento dia 1 di januari di e aña aki.

Asociacion di doñonan di trabao kier mas trabao pa hende cu limitacion

(nltimes.nl) - Doñonan di trabou por haci mas pa haci nan luga di trabou mas accesibel pa hende cu limitacion, segun e Asociacion di Doñonan di Trabou VNO-NCW y MKB-Nederland.

Cu un declaracion di accion, e asociacion di doñonan di trabou kier elimina obstaculonan den e luga di trabou pa asina e mercado di trabou bira mas inclusivo. Nan lo presenta e declaracion na r Secretario di Estado Jurgen Nobel (Participacion y Integracion) na e Weganan Paralimpico na Paris diadomingo.

Pa ofrece hende cu limitacion suficiente acceso na trabou, doñonan di trabou, gobierno y organisacionnan social a haci un acuerdo di trabou

hopi aña pasa. Nan a acoda pa crea por lo menos 125 mil trabou regular pa hende cu limitacion entre 2013 y 2026. Esaki ta inclui 100 mil trabou adicional den comunidad di negoshi y 25 mil trabou adicional den e sector publico, segun e Gobierno central. Pero den añanan reciente, e cifra no a yega e meta y un ley a wordo poni riba mesa pa ahusta e acuerdo aki.

Segun presidente Jacco Vonhof di MKB-Nederland, e funcionamiento actual di e acuerdo di trabou tin hopi espacio pa mehoracion, pero e meta di e acuerdo ta keda igual. Faltando ainda e debate politico tocante e ahustacion, el a urgi empresarionan pa pensa si nan por haci mas, tambe pa motibo cu e mercado di trabou ta hopi preta

na e momento aki.

“Como un entrepreneur, bo por sconde tras di pakico e no ta posibel, pero entrepreneurs ta hende cu ta pensa den oportunidadnan. Bo ta mira aki na e Weganan Paralimpico kico hende por haci a pesar di nan limitacion. Pues nos mester por crea mas oportunidad di trabou pa hende cu kier traha pero ainda no ta trahando,” Vonhof ta bisa. “Entrepreneurs por ta buscando demasiado pa e ‘cabrito cu cinco pia.’”

E declaracion di accion tambe ta resalta ahustenan pa un luga di trabou mas inclusivo. Esaki por inclui elimina e barera pa rolstoel y pone computernan apropia pa hende cu tin dificultadnan visual.

Alrededor di setenta institu-



cion a firma pa e declaracion di accion. E organisacion di deporte NOC*NSF, cu tambe a firma e declaracion manera un doño di trabou, ta spera cu e actuacion di deportistanan Hulandes na Paris lo contribui na un mercado di trabou y sociedad mas inclusivo.

“Nos tin hopi respet pa e

actuacion pa deportistanan Paralimpico di nivel halto, pero den otro area di sociedad, hopi biaha ta papia tocante loke hende no por haci.” E deber a cambia, segun e. “Duna hende e oportunidad pa actua riba base di nan talento, a pesar di diferencia mutuo of limitacion,” e director general di NOC*NSF, Marc van den Tweel, a bisa.

E september 1 di mas calor hamas registra na Hulanda;Codigo geel pa tormenta

(nltimes.nl) - Ta oficialmente e dia 1 di september di mas calor cu a wordo registra na Hulanda. Segun Weeronline, e temperatura na De Bilt a yega na 28.6 grado pa 2:10 p.m. Esaki a kibra e record bieu di 28.4 grado for di 1926. Esaki ta e seis biaha e aña aki cu un record di calor a wordo estableci den un dia.



Na otro luganan den e pais, tabata mas calor. Na Maastricht, e temperatura a subi pa 29.8 grado rond di 2 p.m. Esaki ta nifica cu e record ainda no a wordo kibra na tur

estacion di tempo. Esaki ta e record cu ta bin for di 1926 y tambe a wordo medi na Maastricht. Na e momento ey, e temperatura a yega 31.4 grado.

Aña pasa, tabatin un ola di calor excesivo den september. Na e momento ey, cinco record di calor a wordo kibra na e stacion principal na De Bilt for di 6 di september, y

tabatin un ola di calor regional hopi larg oden september. Segun Weeronline, esaki no ta spera e aña aki, pero na comienso di e siman nobo, e tempeatura lo sigui cayente pa e temporada aki di aña.

Segun Weeronline, tabatin mas record di calor cu di friu den añanan reciente. Te aworaki den e siglo aki, tabatin nuebe biaha mas record di calor cu di friu. Riba 179 dia, 49% di e calender di aña, tin un record di calor relaciona cu fecha pa e temperatura maximo na De Bilt den e siglo aki.

Codigo Geel pa tormenta

fuerte dialuna E chens pa tormenta fuerte lo subi dialuni atardi, specialmente na e parti noord y oost. Pa e monitbo ey, KNMI a emiti un aviso di codigo geel.

Yobidanan aki, awacero duro por cay, loke por causa inundacionnan y asina causa daño y molester. Ademá, KNMI ta spera biento fuerte tambe. Durante dialuna anochi, e tormenta lo pasa.

E aviso di tempo ta valido pa e Islanan Wadden, Friesland, Groningen, Drenthe, Overijssel y Gelderland.

Mas y mas mucha na Den Haag no ta bay scol y ta keda cas

(nltimes.nl) - Mas y mas mucha na Den Haag no por bay scol pa motibo di problema y ta keda cas tur dia. Den un carta dirigi na e conseho di ciudad, e ombudsman di hubentud di e ciudad, Yvette Nass, ta bisa cu e cantidad di mucha cu no ta bay scol a redobla den añanan reciente. Sinembargo, e no a duna cifra y no tabata disponibel pa comentario.



Segun Nass, e medidanan anterior pa yuda e muchanan cu ta keda cas no tabatin hopi efecto, loke ta preocupante.

Nass ta informa cu e ta ricibi mas keho di mayornan cu no por haya un luga cu ta adecua

pa educa nan yiu. Adicionalmente, no tin cuida ni guia di bon calidad pa e muchanan mientras nan ta warda pa un luga habri pa nan. Segun e, mayor- y muchanan ta “keda pega den e sistema” y no sa mas cerca ken nan por bai cu

nan preguntanan. E ombudsman di hubentud ta culpa e cambio den cuida di hobennan pa e problema aki. Muchanan no por ricibi cuida di hoben, “por ehempel, pa motibo di e tempo di espera na e partnernan nono”

of pa contract cu no ta cubri e ayudo mas.

Nass ta haci yamada na e municipalidad di Den Haag pa tuma medidanan concreto inmediato. Ppor ehempel, e kier pa mayornan ricibi apoyo

mientras nan ta warda pa un educacion of cuida cu ta ajusta. Mayornan tambe mester mantene informa tocante e progreso si un mucha ta riba e lista di espera. Muchanan cu ta keda cas, muchanan cu ta den riesgo di keda cas y mayornan lo beneficia di esaki, segun el a bisa.

Tin 151 mucha cu edad pa bay scol y cu ta cualifica na Den Haag cu no a bay scol pa mas di tres luna. E procedura pa reintegra e muchanan firmemente den e sistema di scol ta depende di nan situacion specifico. Pa algun mucha, e por tuma un tiki mas tempo pa haya un luga cu ta ahusta na scol, segun AD ta reporta.

Brazil a blokia red social “X”

(CNN) - Cualquier persona cu a purba haya acceso na X na Brazil a ser blokia diasabra ultimo, despues cu e pais a implementa un suspension ordena pa corte di e red social di Elon Musk.

Den e ultimo 24 ora, Brasileñonan, incluyendo presidente Luiz Inácio Lula da Silva, a despedi di X y algun a pone link pa su profielnan riba otro plataformanan di medionan social.

Intentonan pa haya acceso na e website of a traves di e app diasabra ultimo a haya un mensahe di eror.

E blokeo ta sosode despues cu Corte Supremo di Brasil diabierna awor a ordena e suspension di X, pasobra Musk a nenga di nombra un representante legal den e pais.

E lei di Brazil ta rekeri e empresanan cu ta opera den e hurisdiccion pa tin representacion huridico. Pero X,

anteriormente conoci como Twitter, a cera su oficina di representacion Brasileño dia 17 di augustus despues cu hues Alexandre de Moraes a menasa di persigui su representantenan local pa nan desconfiansa di cumpli cu ordo pa blokia usuarionan.

E medida aki ta pone e situacion bira pio den cual e controversia cu tin lunanan caba riba libertad di expresion, cuentanan di extrema derecha y desinformacion. Corte Supremo a ordena caba pa blokia varios cuenta di X den marco di un investigacion amplio tocante e publicacion di desinformacion na Internet y incitacion di odio pa purba dañá e democracia di e pais.

De Moraes a adverti Musk diaranson ultimo cu X por a ser blokia na Brazil si e no lo a cumpli cu e ordo pa nombra un representante, unda a pone un fecha limite di 24 ora. El a bisa cu e plataforma lo keda blokia te ora e cumpli.



E controversia a bira mas grandi diabierna ultimo ora cu Corte Supremo a nenga un apelacion di e compania di internet satellite Starlink – tambe propiedad di Musk – pa descongela su cuentanan financiero, segun e afiliado di CNN na Brazil.

E cuentanan financiero di Starlink, un proveedor di

servicio di internet cu e multimiionario di tecnologia tambe ta doño di dje pa medio di SpaceX, a ser blokia den e pais diahuebs ultimo pa garantisar pago di multanan imponi como parti di disputa legal cu ta involvi X.

Starlink ta ser usa pa mas di 250.000 persona na Brazil,

segun SpaceX. E servicio, cu no ta rekeri un conexion di kabel, ta specialmente popular den e selva di Amazonas y localidadnan rural, ta ser usa diariamente pa academiconan, operadonan di tour y funcionarionan publico den e region, tambe pa unidadnan di Ehercito Brasileiro desplega eynan.

Presidente di Honduras ta nombra Minister di Defensa nobo memey di scandal narco

(AFP) – Ayera diadomingo un abogado a keda nombra como minister nobo di Defensa di Honduras memey di un scandal riba supuesto lasonan cu narcotrafico cu a causa e renuncia di un subrino y e sua di presidente Xiomara Castro for di gobierno y Congreso.

E scandal a surgi despues cu Castro a cancela diaranson ultimo e tratado di extradicion cu Merca, cu a permiti cera rond di 50 Hondureño vincula na traficacion di droga, incluyendo politiconan poderoso, loke a alimenta e sospecho cu tabatin miembronan di e gobierno iski-erdista vincula cu traficantenan di droga.

“Mi kier anuncia e nombramento na e funcion di secretario di defensa di e ciudadano Rixi Moncada,” un abogado di 59 aña, Castro a anuncia den un discurso na e ceremonia di apertura di e festividadnan di independencia di e pais Centro Americano.

Jose Manuel Zelaya, subrino di Castro, a renuncia dias-



abra como hefe di Defensa, poco despues cu su tata, Carlos Zelaya, a renuncia como diputado y secretario di Congreso admitiendo cu na 2013 el a reuni cu hefenan di narcotrafico.

Moncada, hopi cerca di e famia presidencial, tabata Minister di Labor y Energia den e gobierno di e casa di Castro, Manuel Zelaya, kende a ser destitui den un

golpi di estado na 2009. E abogado ta ser mira como un faborito pa ta e candidato presidencial di e partido na mando, ‘Libre’, den e eleccion di 2025.

E mandatario a declara cu el a cancela e tratado, vigente desde 1912 y aplica desde 2014, pa evita cu Merca lo usa esaki contra militarnan cu ta leal na dje y facilita un intento di golpi di estado.

Castro a tuma e decision drastico aki ora el a condena e “interferencia” di e embahador Mericano na Tegucigalpa, Laura Dogu, den asuntonan Hondureño.

E diplomatico a critica cu minister Zelaya y e hefe di Forsa Arma, General Roosevelt Hernandez, a reuni cu un minister Venezolano sanciona pa Washington pa trafi-

cacion di droga. Dogu, ken a asisti na e evento dirigi pa Castro ayera diadomingo, a bisa cu e ta mantene “contacto tur dia cu gobierno di Honduras.”

“Esaki ta mi papel como diplomatico, pa mantene relacionnan cu gobierno y nan ta den contacto cu nos”, el a bisa na periodistanan, sin menciona e renuncia of e fin di e tratado bilateral.

“Aki nos ta trahando tur dia riba tur asunto diplomatico, economico, politico y militar, nos ta bay mantene nos actividadnan,” el a agrega.

Diasabra, e sua di Castro, Carlos Zelaya, ruman di ex-presidente Zelaya, a anuncia su renuncia di Congreso pa enfrente un investigacion riba lasonan cu traficantenan di droga. Poco despues, su yiu homber a renuncia como hefe di Ministerio di Defensa.

Carlos Zelaya a ser menciona na maart ultimo den e proceso den cual ex-presidente Hondureño Juan Orlando Hernandez (2014-2022) a ser condena na 45 aña pa traficacion di droga na New York.

Poco fruto di e polisnan Keniano na Haiti despues di dos luna di nan despliegue

(DiarioLibre) - E yegada na Haiti di 400 polis Keniano, prome integran-tenan di un forsa internacional di seguridad, a duna un speransa pa stop e gruponan arma di e pais Caribense. Pero dos luna despues di su despliegue, su vanasen ta escaso y e poblacion ta perde pasen-shi.

E mision, patrocina pa ONU, tin como obhetivo yuda e Polis Nacional di Haiti (PNH) restablece e orden publico na un pais herida, golpia pa decadas pa un crisis politico, desasternan natural y criminalidad.

Na februari, e gruponan arma cu ta controla mas di e 80% di e capital Puerto Principe a uni forsa pa pone Haiti den un crisis di seguridad severo. Nan atakenan coordina contra prizonnan, wardanan di polis y e aeropuerto di e capital a provoca e renuncia di e controversial prome minister Ariel Henry.

Despues di asumi e poder, su substituto, Garry Conille, a ricibi e prome polisnan Ke-



nian, 200 na juni y otro 200 na juli, y a autorisa operacionnan para “retoma tur e zonanan controla pa e gruponan arma, cas pa cas.”

Te cu e momentonan aki e promesa ey no a wordo cumpli. Dilanti un enemigo bon arma y grandi den cantidad, e 400 Keniano y e polis Haitiano a enfoca, sobretodo, den protege infrastructuranan clave na e capital y no a tuma e poder ainda di ningun fortificacion enemigo.

“Ainda nan no tin e personal ni e ekiponan suficiente pa realiza operacionnan ofensivo real contra e gruponan arma,” Diego Da Rin, experto tocante Haiti pa e International Crisis Group, a splica.

E frustracion ta evidente entre e habitantenan di Puerto Principe, cansa di e violencia di e gruponan arma acusa di asesinato, violacionnan y secuestro.

“Mi tabata na favor di e despliegue di e polisnan Keniano, mi tabata pensa cu nan tabata bay restablece e paz y yuda nos polisnan, cu tabata desborda. Pero e abusonnan di e gangnan ta continua y e criminalnan ni ta worry,” Watson Laurent di 39 aña a bisa.

“Mi ta hopi preocupa. Mi no por drumi anochi pa motibo di e detonacionnan,” e chauffeur di taxi brommer, cu ta biba den e centro di e capital,

ta agrega.

A pesar di e criticanan, e polisnan Keniano a sigura di-aluna cu su tropanan na Haiti a logra “avansenan significativo,” retomando e control di infrastructuranan clave.

Pero e mayoria di e progresonnan ey a tuma luga prome cu nan a yega e pais y tabata obra di e polis nacional, Da Rin ta bisa.

E unico operacion di importancia den cual e polisnan Keniano a participa tabata, ademas, un fracaso. Na final di juli, un di e gruponan arma principal, 400 Mawozo” a tuma control di e ciudad di Ganthier, alrededor di 28 km leu di e capital, despues di lunas di resistencia di e poblacion.

E PNH y e forsa internacional a interveni oranan despues na e localidad aki, pero na su yegada, e gangnan a sconde, warda y a regresa oranan despues, ora cu e mayoria di e tropanan a bandona e luga.

Puerto Rico: Gobierno ta defende maneho y desempeño di programa di construccion di hogarnan

(ElNuevoDia) - E secretario di Vivienda, William Rodriguez, a rechasa diahuebs ultimo cu ta existi problemanan den e Programa di Reparacion, Reconstruccion of Reubicacion (R3), cu ta provee asistencia na propietario-nan elegibel afecta pa e horcanan Irma y Maria na 2017, of cu e agencia ta confronta riesgo pa e entrega di e hogarnan interveni.

Compañia pa e gobernador Pedro Pierluisi, Rodriguez a sostene, cu, prome cu e entrega, e agencia ta sigura cu e hogar remodela ta den un estado optimo, loko, den su opinion, lo por splica cualkier retraso.

“E proposito ta entrega e casnan. No tin otro razon di kier contrui y no entrega e cas. Hamas. Tin situacionnan di permiso, tin situacionnan unda e persona ta wak cu e cas a keda cla, pero tin un tema di cu e no a pasa e inspeccion final, y nos no ta



bay entrega un cas cu nos no a caba di haci e coreccionnan necesario,” Rodriguez a sostene, ken a wordo interumpi pa Pierluisi ken a puntre cuanto cas nan a entrega despues di wordo impacta pa R3.

“Nos ta papiando di riba 10 mil cas. E ta hopi construccion. Pa e motibo ey, ta bay tin casnan cu no a wordo entrega ainda,” e secretario a

contesta.

E expresionnan di ambos a surgi despues cu beneficiarionan di R3 a denuncia, a traves di Noticentro (wapa TV), cu nan no a ricibi e ayudo, a pesar cu nan a wordo selecciona pa e programa. Asina tabata e caso di Jessica Ramos y su yiu cu Syndrome di Down, residente di Toa Baja y ken, desde 2023, ta ward-

ando pa e Departamento di Vivienda entregue su cas reconstrui.

Anteriormente, Noticentro a señala e caso di Carmelina Hernandez, ken a fayece cu 94 aña sin por a regresa nsu cas reconstrui bou di R3 for di october di 2023, segun su famia.

Rodriguez a recalca cu no

tin problema cu e programa, mientras cu Pierluisi a cualifica manera “un coincidencia” cu Ramos a ricibi su vivienda net despues cu el a haci e denuncia den medianan di comunicacion.

“Nos a laga e contratistanan sa: aki nan no ta bay ricibi ni un solo pago te ora cu e casnan wordo entrega. Nos tin un grupo dedica particularmente na e proceso aki di entrega di casnan. Nos ta bolbe bisa, tin situacionnan cu ta sucde den e proceso, manera ta pasa den e urbanisacionnan priva y nos ta bay ta riba esey,” e secretario a insisti.

Di otro banda, Pierluisi y Rodriguez a defende e decision di Vivienda di solicita na su contraparte federal un extension, te cu mei di 2033, pa e uso di fondonan CD-BG-DR. Te na e momentonan aki, e fecha pa usa e placa, premira pa e gobierno di Puerto Rico despues di e dañonan despues di horcan Maria, ta augustus 2028.



Felis dia di Prensa

na tur miembran di prensa di Aruba y rond mundo.

Teniendo pueblo responsablemente informa, ta esensial pa un pais democratico y liber.

Minister Geoffrey B. Wever

Ministerio di Asuntanan Economico, Comunicacion y Desaroyo Sostenibel

Artista di Hip-hop Fatman Scoop ta fayece cu 53 aña despues di collapse riba escenario



(AP) - Fatman Scoop, e artista di hip-hop cu tabata den posicionnan halto na Europa cu "Be Faithful" den comienso di añanan 2000 y despues a fia su bos distinto y vibra unico na hitnan di Missy Elliott y Ciara, a fayece despues cu el a collapse riba escenario na un show cu a tuma luga na Connecticut, segun oficialnan y su famia. E tabatin 53 aña di edad.

E causa di su fayecimento no tabata inmediatamente cla.

E tabata dunando un concierto na Hamden Town Center Park ora cu el a collapse diabierna atardi, hefe di empleadonan Sean Grace a informa diabierna. Alcalde Lauren Garrett a publica riba Facebook cu e tabatin un emergencia medico. E audien-

cia presente y paramediconan a purba yuda e artista, ken a ser hiba emergencia. Su famia a bisa den un publicacion di Instagram cu "mundo a perde un alma briyante, un luz riba escenario y den bida."

Si mundo tabata conoc'e como "e bos di e nightclubnan", su famia tabata conoc'e como "e harimento di nos bida, un fuente constante di sosten, fortaleza y balentia cu nunca a debilita," su familiarnan a comenta.

"Su musica a pone nos baila y brasa bida cu positivismo. Su alegria tabata contagioso y e generosidad cu el a extende na nos tur semper nunca lo ser lubida," nan a agrega, bisando cu e ta laga atras un "legado di amor y briyo."

Naci Isaac Freeman III, Fatman Scoop tabata di New York City su bario Harlem y a genera fama cu e hit di 1999 "Be Faithful." Loke a cuminsa como un exito menor na Merca a bira inmenso na Europa den 2003, yegando posicion number 1 na Reino Uni y Irlanda.



September 2, 2024

Entrante awe Prins Bernhard Cultuurfonds Caribisch Gebied ta continua bou di un nomber nobo: het Cultuurfonds Caribisch Gebied.

E cambio di nomber ta resultado di nos evolucion y nos bista riba futuro. E nomber nobo ta refleha miho ken nos ta awor y unda nos kier yega.

Aparte di e tempo cu nos a tuma internamente pa refleha y celebra nos 70-aniversario, e decision aki a haya e atencion y dedicacion necesario. Nos no a wak solamente nos mision pa futuro, pero nos a para keto tambe na origen di e fondo.

Dia 7 di augustus 1953 Prins Bernhard a firma e acta di fundacion di e fondo na Corsou. Cu esaki el a debolbe e fondo na su tera natal Caribeño. Durante segundo guerra mundial e pueblonan di Caribe Hulandes a colecta placa cu a contribui en grande na e Spitfire Fund, destina pa compra di material di guerra pa yuda Hulanda. Despues di guerra, e placa cu a sobra a sirbi como base pa comienso di un historia bunita di sosten continuo pa arte y cultura, tanto na Hulanda como na Caribe Hulandes.

Het Cultuurfonds Caribisch Gebied ta dedica su mes na desaroyo di cultura y preservacion di e identidat unico di Aruba, Boneiro, Corsou, Sint Maarten, Sint Eustatius y Saba. Nos ta duna sosten na iniciativanan cu ta pone e cultura y naturalesa Caribeño den centro di atencion, tanto localmente como mundialmente. Nos logo nobo, cu su solo radiante den su centro, ta simbolisa e conexion entre nos islanan y e spirito bibo y calor di e area Caribeño.

Awor cu nos ta cera e aña di aniversario, nos ta hopi orguyoso pa revela nos nomber y logo nobo. Cu boso sosten continuo, nos ta sigui compromete na promocion di e rikesa cultural enorme y e bunitesa natural di nos islanan.

Stichting Algemeen Pensioenfonds Aruba (APFA):

Aan onze deelnemers en gepensioneerden



Het Gerecht in Eerste Aanleg van Aruba heeft deze week in de zaak die de Raad van Toezicht van Stichting Algemeen Pensioenfonds Aruba (APFA) is begonnen tegen het Land Aruba over de toepassing van de Landsverordening Normering Topinkomens (LNT), de onafhankelijkheid van APFA ten opzichte van de overheid bevestigd. APFA beheert een pensioenvermogen van Afl. 3,6 miljard voor meer dan 12 duizend deelnemers en gepensioneerden en is hiermee de grootste financiële instelling op Aruba. Om deze reden is het uitermate belangrijk dat het beheer van de pensioenen en beleggingen op een professionele wijze en onafhankelijk wordt uitgevoerd.

APFA heeft vanaf het begin, ook nog voordat de LNT is ingevoerd in 2022, beargumenteerd dat APFA onafhankelijk is en ook onafhankelijk moet blijven van het Land, net als dat ieder ander pensioenfonds onafhankelijk moet zijn van de werkgevers van de deelnemers. Die noodzakelijke onafhankelijkheid, het op afstand plaatsen van de werkgever, was juist de reden om in 2005 het pensioenfonds en de pensioenregeling voor de overheidswerknemers onder te brengen in een aparte, onafhankelijke stichting, die onder toezicht staat van de Centrale Bank van Aruba. Zoals het Land en het parlement destijds zelf expliciet zeiden, kan alleen met een onafhankelijk opererende pensioenbeheerder, geleid door professionele en deskundige bestuurders, de gezonde bedrijfsvoering van het pensioenfonds worden gewaarborgd.

Met invoering van de LNT waarmee deze wet ook van toepassing werd op APFA, werd die vereiste onafhankelijkheid van het pensioenfonds ernstig aangetast. Als de wetgever een maximumsalaris oplegt en slechts in uitzonderlijke gevallen met goedkeuring van de minister daarvan kan worden afgeweken, dan is het voor het pensioenfonds niet mogelijk om deskundige en ervaren beleidsbepalers en bestuurders aan te trekken en te behouden. De toepassing van de LNT zou het voor APFA onmogelijk maken om een adequaat en effectief beloningsbeleid te voeren, en zou APFA weer afhankelijk maken van de werkgever van een deel van haar deelnemers, hetgeen nou juist niet de bedoeling was van de privatisering van APFA in 2005.

Bovendien geldt dat APFA niet tot de publieke sector behoort en ook niet tot de semi-publieke sector. APFA wordt niet gefinancierd uit publieke middelen, maar uit de pensioenpremies van haar deelnemers (30%) en uit de beleggingsresultaten (70%), en de overheid heeft geen enkele financiële band met of financiële verantwoordelijkheid of aansprakelijkheid voor APFA.

APFA behoort tot de private financiële sector en moet in die sector concurreren met andere financiële instellingen, zowel lokaal als internationaal, niet alleen voor wat betreft het aantrekken van deelnemers en het participeren in beleggingen en investeringsobjecten, maar ook voor wat betreft het aantrekken en behouden van talentvolle, deskundige en ervaren bestuurders en topfunctionarissen. Ook om die reden is de toepassing van de LNT, welke bedoeld is voor de publieke en semi-publieke sector, op APFA niet correct.

Het bestuur van APFA staat onder toezicht van een intern toezichthoudend orgaan, in dit geval de Raad van Toezicht, die volgens de statuten de werkgever van de bestuursleden is. Bij een pensioenfonds geldt de regel dat de personen die in het toezichthoudend orgaan zitten, zowel door de werkgevers als door de werknemers van de deelnemende bedrijven worden benoemd, en ook met gelijke aantallen (dat wordt ook wel de pariteit in het toezicht op het bestuur genoemd). Bij APFA is dat ook zo: in de Raad van Toezicht zitten twee vertegenwoordigers van de werknemers van de deelnemende bedrijven, stichtingen en overheidsdiensten, en twee vertegenwoordigers van de werkgevers die deelnemen, dus van diezelfde bedrijven, stichtingen en overheidsdiensten. Deze vier leden benoemen een onafhankelijk vijfde lid, die als voorzitter van de Raad van Toezicht fungeert. Belangrijk is om te benadrukken dat de leden van de Raad van Toezicht er niet zijn om de belangen van hunzelf of van degene die ze heeft benoemd te behartigen; de leden van de Raad van Toezicht dienen hun taken onafhankelijk te vervullen en dienen zich daarbij te richten naar het belang van APFA. Zo staat het expliciet in de statuten van APFA, en de Centrale Bank van Aruba houdt toezicht op de onafhankelijkheid en deskundigheid van de leden van de Raad van Toezicht.

Omdat het overgrote deel van de deelnemers van APFA overheidswerknemers zijn, is in de statuten van APFA aan de Minister van Financiën van Aruba de mogelijkheid gegeven om één van de twee werkgever-leden te benoemen in de Raad van Toezicht. Dat doet de minister (het Land Aruba) enkel en alleen in de hoedanigheid van werkgever van een groot deel van de deelnemers. Zoals gezegd moet ook dat lid van de Raad van Toezicht worden goedgekeurd door de Centrale Bank van Aruba, en moet ook dat lid onafhankelijk optreden en zich richten naar het belang van APFA, en dus niet naar het belang van het Land.

In de LNT-wet is opgenomen dat deze wet van toepassing is op de betreffende entiteit indien het Land “een of meer leden in het bestuur of het toezichthoudende orgaan benoemt of op andere wijze invloed heeft op het beheer of beleid”. Het Land heeft dit criterium aangegrepen om te zeggen dat omdat de minister iemand mag benoemen in de Raad van Toezicht van APFA, de LNT op APFA van toepassing moet zijn. Dat is echter niet correct, want de reden waarom het Land een lid van de Raad van Toezicht mag benoemen is niet om “invloed te hebben op het beheer of beleid” van APFA, maar vanwege de hiervoor genoemde pariteit tussen de werkgevers en werknemers van de deelnemende instanties in het toezichthoudend orgaan van het pensioenfonds. Anders gezegd: het Land benoemt het lid van de Raad van Toezicht bij APFA niet als bestuursorgaan of als regelgever, maar in de hoedanigheid van werkgever.

Dit belangrijke onderscheid tussen APFA en andere entiteiten waar het Land leden van het bestuur of toezichthoudende organen mag benoemen, is door het Gerecht in Eerste Aanleg onderkend en gehonoreerd. Het Gerecht heeft daarom vastgesteld dat APFA niet voldoet aan het voornoemde criterium voor de toepassing van de LNT. Verder constateert het Gerecht dat ook geen van de andere criteria die de LNT noemt op APFA van toepassing zijn. Daarmee stelt het Gerecht vast dat de keuze van het Land om APFA op te nemen in de lijst van entiteiten waar de LNT op van toepassing is, een “evident onredelijke keuze” was, en dat het Land daarmee onrechtmatig handelt jegens APFA.

Aldus is de enige logische conclusie dat de LNT niet voor APFA geldt en heeft het Gerecht de LNT buiten werking gesteld voor zover deze op APFA betrekking heeft. Daarmee wordt de noodzakelijke onafhankelijkheid van APFA onderstreept en gewaarborgd. Daarmee wordt de noodzakelijke onafhankelijkheid van APFA onderstreept en gewaarborgd.

Fundacion Fondo General di Pensioen Aruba (APFA):

Na nos participante y pensionadonan



Corte di prome instancia di Aruba a confirma e siman aki cu APFA ta independiente di gobierno. Esaki ta e conclusion di hues den e caso cu Hunta di Supervision di APFA a entama contra Pais Aruba tocante e aplicacion di e Ordenansa Nacional pa regulacion di entrada riba nivel ehecutivo (LNT). APFA ta maneha un capital di pensioen di Afl. 3,6 biyon pa mas cu 12 mil participante y pensionado y ta e institucion financiero mas grandi na Aruba. Pa e motibo aki ta sumamente importante cu e maneho di pensioen y inversion ta tuma luga di un forma profesional y independiente.

Desde un principio, tambe prome cu a introduci LNT na 2022, APFA a argumenta cu e ta independiente y mester keda independiente di Pais Aruba, mescos cu cualquier otro fondo di pensioen mester ta independiente di e dunadonan di trabou di e participantenan. E independencia necesario aki, tabata hustamente e motibo na 2005 pa pone e fondo y e areglo di pensioen di e empleadonan publico den un fundacion apart y independiente di e dunado di trabou y bou di supervision di Banco Central di Aruba. Manera Gobierno y Parlamento e tempo ey a enfatisa, solamente un administrador di pensioen cu ta opera independiente, maneha door di un directiva profesional y capacita, por garantisa un maneho empresarial salubabel.

Cu e introduccion di LNT, e ley aki a bira aplicabel pa APFA tambe, y esey ta afecta e independencia rekeri di e fondo di pensioen gravemente. Si ley ta stipula un salario maximo y solamente e minister concerni por duna aprobacion den caso excepcional pa desvia, ta bira dificil pa e fondo di pensioen atrae y retene e ehecutivonan y directornan capacita. Aplicando LNT lo haci imposibel pa APFA ehecuta un maneho di compensacion adecua y efectivo y lo haci APFA dependiente bek di Gobierno, locual sigur no tabata e intencion di e privatisacion di APFA na 2005.

Fuera di esey APFA no ta pertenece na e sector publico y tampoco na e sector semi-publico. APFA no ta wordo financia for di fondo publico pero for di e prima di pensioen di su participantenan (30%) y for di e resultado di inversion (70%), y gobierno no tin ningun vinculo financiero cu of responsabilidad financiero pa cu APFA.

APFA ta pertenece na e sector financiero priva y mester competi den e sector ey cu otro institucionnan financiero, tanto local como internacional. Esaki no solamente pa loke ta trata atrae participante y participa den inversion y obhetonan di inversion, pero tambe pa atrae y retene su ehecutivonan y funcionarionan capacita y experiencia. Tambe pa mesun motibo aki e aplicacion di LNT, cu ta dirigi na e sector publico y semi-publico, no ta corecto pa APFA.

E directiva di APFA ta cay bou supervision di un organo di supervision interno, den e caso aki e Hunta di Supervision. Segun e statutanon di APFA e Hunta di Supervision ta e dunado di trabou di e miembronan di directiva. Pa un fondo di pensioen ta conta e regla, cu e personanan cu ta sinta den e organo di supervision, mester wordo nombra tanto door di e dunadonan di trabou como door di e empleadonan di e empresanan cu ta participante den cantidad igual (esaki ta yama pariteit den e supervision riba e directiva). Cerca APFA esaki tambe ta asina: den e Hunta di Supervision tin dos respresentante di e empleadonan y dos representante di e dunadonan di trabou. E cuater miembronan aki ta apunta un di cinco miembro independiente como presidente di e Hunta di Supervision. Importante ta pa enfatisa cu e miembronan di e Hunta di Supervision mester cumpli cu nan tareanan independientemente y mester enfoca riba e interes di APFA y no riba interes di nan mes of di esunnan cu a apunta nan. Asina ta stipula explicitamente den e statutanon di APFA. Banco Central di Aruba ta supervisa e independencia y experticio di e miembronan di e Hunta di Supervision.

Pa motibo cu gran parti di e participantenan di APFA ta empleado publico, den e statutanon di APFA a duna e Minister di Finanza di Aruba e posibilidad pa nombra un di e dos representantenan di e dunadonan di trabou den e Hunta di Supervision. E minister (Pais Aruba) por haci esaki unicamente den su posicion di dunado di trabou. Manera a menciona anteriormente, e miembro aki di e Hunta di Supervision tambe mester wordo aproba door di Banco Central di Aruba y e tambe mester actua independientemente y enfoca su mes riba e interes di APFA y pues no e interes di Pais Aruba.

Den LNT ta stipula cu e ley aki ta aplicabel riba un entidad si Pais Aruba “ta nombra un of mas miembro den e directiva of organo cu ta supervisa of tin influencia den otro forma riba e administracion of maneho”. Pais Aruba a usa e criterio aki pa bisa cu pasobra e minister por nombra un persona den e Hunta di Supervision di APFA, LNT mester ta aplicabel pa APFA. Sinembargo esaki no ta corecto, pasobra e motibo pakico Pais Aruba por nombra un miembro den e Hunta di Supervision no ta pa “tin influencia riba e administracion of maneho” di APFA, pero pa motibo di e pariteit, manera anteriormente menciona, entre e dunadonan di trabou y e empleadonan di e instancianan den e organo di supervision di e fondo di pensioen. Es decir: Pais Aruba ta nombra un miembro di e Hunta di Supervision di APFA den su posicion di dunado di trabou, y no como “bestuursorgaan” of legislador.

Corte den prome instancia a reconoce y a honra e diferencia importante aki entre APFA y e otro entidadnan caminda cu Pais Aruba si por nombra miembro di e directiva of organo di supervision. Pues Corte a establece cu APFA no ta cumpli cu e criteria anteriormente menciona pa aplicacion di LNT. Mas aun Corte ta constata cu niun di e otro criterionan cu LNT ta menciona ta aplicabel pa APFA. Cu esaki Corte ta establece cu e escogencia di Pais Aruba pa pone APFA riba e lista di e entidadnan riba cual LNT ta aplicabel ta “een evident onredelijke keuze” y cu Pais Aruba di e forma aki a actua “onrechtmatig” contra APFA.

Pues e unico conclusion logico ta cu LNT no ta aplicabel riba APFA y Corte a pone LNT un banda pa loke ta trata su aplicacion pa APFA. Cu esey e independencia rekeri di APFA ta wordo afirma y salvaguardia.



Derrick Webb ta gana medaya di plata den Pesas den e Campeonato Panamericano Jubenil Sub-15 y Sub-17 di Hisamento di Peso na Guayaquil, Ecuador



Dia 26 augustus pa 2 September 2024 ta tuma luga e Campeonato Panamericano Jubenil Sub-15 y Sub-17 di Hisamento di Peso na Guayaquil, Ecuador, unda atleta Derrick Webb guia pa su coach Laertes Araque a gana medaya di Plata den categoria di

61kg den snatch cu 91kg.

Sinembargo durante di clean & jerk e atleta Derrick no por a sigui door di haya un kramp na su pianan no por a logra pone un total.

Aruba Amateur Weightlifting Association kier a gradi-



ci Stichting Sportsubsidie Aruba cu a cubri e gastonan pa Guayaquil, Ecuador y ta manda palabra di pabien na e atleta Derrick Webb cu a gana medaya di Plata pa Aruba y pa e coach Laertes Araque pa nan participacion den e Campeonato Panamericano Jubenil Sub-15 y Sub-17 na Guayaquil, Ecuador.

Minister Endy Croes a ricibi nos Seleccion di Baseball U12 cu a representa Caribe den Little League Baseball World Series 2024



Recientemente, Minister di Enseñansa y Deporte Endy Croes a ricibi nos Seleccion di Baseball di Aruba U12 na nan yegada na Aeropuerto Internacional Reina Beatrix. Seleccion di Baseball U12 a representa Caribe den Little League Baseball



World Series 2024 cu a tuma luga den Williamsport na Pennsylvania, Merca.

Den e ocasion aki, comoki- era cu nan a gana dos wega y a perde dos wega y a perde un wega crucial contra Venezuela, pero e manera cu nan a representa Aruba riba nivel internacional tabata sublime.

Un trailer gigantesco a busca nos campeonnan na aeropuerto y a haya un recorrido rond di Aruba pa saluda pueblo y despues a termina cu un celebracion na Urutaka Center na Santa Cruz, unda cu nos Seleccion di Little League a haya un treat bon mereci. Sr. Elwin Rincones, manager di Seleccion di Aruba a indica cu e tabata un tremendo experiencia pa e muchanan. E muchanan a duna tur di nan banda te ultimo momento. Minister Endy Croes a gradici Sra. Raquel Wester y Sr. Rudy Donata di Aruba Little League y henter nan directiva y coach cu a contribui den e desaroyo di e atletanan. Finalmente, Minister Endy Croes ta gradici Seleccion di Baseball di Aruba U12 pa e esfuerso cu nan a haci pa etala e nomber di Aruba internacionalmente.

CAREER SPOTLIGHT BY AHATA



THEN



NOW

CHARITY MADURO

1999
Front Desk Agent
Amsterdam Manor Beach Resort

2023 - present
Sales & Marketing Manager
Amsterdam Manor Beach Resort

Aruba su delegacion den ceremonia di apertura di e Weganan Paralimpico 2024 Paris a bay viral

Durante e ceremonia di apertura di e Weganan Paralimpico 2024 na Paris, e delegacion di Aruba, specialmente nos atleta paralimpico Elliot Loonstra—cual tambe a actua como abanderado pa e delegacion di Aruba—a captura atencion internacionalmente cu e diseño y estilo unico di nan uniform di ceremonia.

Elliot a laga un impresion riba media internacional, incluyendo den e prestigioso Vanity Fair Frances, unda a menciona cu “Elliot a resalta for di momento cu el a yega, cu un uniform cu no a keda sin captura atencion. [...] Loonstra a opta pa un uniform cu ta refleha no solamente e identidad cultural di Aruba, pero tambe su spirito individual.”

Pa loke ta e diseño di e uniform, diseñador Angelo Croes a bisa cu e trabao di airbrush y pintamento di e trahe a ser haci pa Sr. Emil Krozendijk.

E proceso creativo di Croes a ser influencia pa nos naturalesa. Den e proyecto aki, e la



tuma inspiracion for di e historia di Elliott, un atleta Paralimpico remarcable, kende su trayecto di bida ta simbolisa resistencia y determinacion. E diseño aki no solamente ta rindi homenahe na su habilidadnan atletico, pero tambe na nos simbolonan nacional y nos cultura local.

E Maraviyanan di nos naturalesa
Un di e elementonan den e diseño di Croes ta e incorporacion nos animalnan nacional: e prikichi, e cododo, y e shoco. Tambe e inclui e cadushi

cu ta representa nos flora y fauna. Cada un di e elementonan aki tin un nificacion importante:

- Prikichi: conoci pa su colornan briyante y su spirito fuerte, e prikichi ta personifica goso y libertad. E ta sirbi como un recordatorio di e importancia di celebra e momentonan precioso den bida, a pesar di retonan. E amigo cu pluma aki a inspira e palet di color cu a ser usa den e bisti. Simbolizando optimismo y resistencia.

- Cododo: e Cododo a ser pinta riba e brasa cu ta haci Elliott un atleta Paralimpico orguyoso. E idea aki a bin di Elliott. Pa pone nos animalnan nacional pero specialmente e pintura Arawak di e cododo, riba su brasa banda drechi, pa e parce manera e ta subiando e brasa di Elliott. Cododo ta simbolisa transformacion, renacimiento, y lagando e pasado atras. Tambe e ta relaciona cu crecimiento personal y autenticidad, mescos cu nos para atleta Elliott.

- Shoco: Nos simbolo nacional. E shoco unico aki, cu su naturalesa inquisitivo y su sentido fuerte di cas, ta representa adaptacion y cu-

rashi. Su inclusion den e diseño ta honra esunnan cu, manera Elliott, a supera obstaculo pa haya nan lug den mundo. E esencia di e shoco, ta sutilmente representa den e tela, sirbiendo como un recordatorio constante di tenacidad.

- Cadushi: Cadushi no ta solamente plantanan resiliente; nan ta representa sobrevivencia den condicionnan duro. Nan ta prospera caminda hopi otro no por, reflehando e bida di Elliott ora e ta nabega e desafionan di ta un atleta Paralimpico. E texturanan y forma di e cadushi a inspira e diseño di e elementonan structural, cu ta incorpora tanto forsa como elegancia.

Celebrando agricultura local Mas aleu di e elementonan natural, e bisti aki ta duna tributo na nos raiznan agrario. E integracion di patronchi y diseño tradicional ta refleha un aprecio pa e trabou duro y dedicacion di e agricultornan y artesanonan local. Den un mundo cu ta bira mas y mas desconecta di nos fuente di cuminda y cultura, Croes kier a crea un trahe cu ta reconece y celebra e conexcion vital aki.

Un bida empodera
E diseño aki ta trata di empoderamento, no solamente pa atletanan elite manera Elliott, pero pa tur hende cu ta enfrenta retonan. Cada cos y cada opcion den e tela ta papia di e forsa cu ta den e vulnerabilidad. E ta encarna e spirito di comunidad y sosten cu ta rondona e atletanan, particularmente esnan cu ta e curason di e movecion Paralimpico.

Mientras Croes ta sigui expresa e temanan aki den su trabou, e ta spera di inspira combersacionnan tocante resiliencia, conexcion cu naturalesa, y e bunitesa di diversidad den nos comunidad. Esaki no ta djis un bisti; e ta un storia, un celebracion di bida, cultura, y e spirito humano. Croes ta spera cu ora hende mira e diseño aki, nan no solamente ta aprecia su estetico atractivo, pero tambe ta reconece e historianan profundo y e inspiracion tras di dje.

Finalmente, ta trata di crea un brug entre arte, naturalesa y e storianan extrao

Racing Club Aruba (RCA), Victory Boys y SV Atlético Flamingo ta anuncia un colaboracion strategico cu US Soccer Education di Georgia State

Despues cu na juli ultimo a firma un MOU entre SV RCA (Aruba), Victory Boys (Kòrsou) y SV Flamingo di Boneiro, e tres clubnan a anuncia dia 29 di augustus e siguiente paso di e alianza ABC aki. E meta y intencion di e tres clubnan ta pa crea un caminda di crecimiento pa nan hungado- y coachnan.

Cu un gran orguyo SV RCA, Victory Boys y SV Flamingo ta anuncia un paso concreto cu ta encera un colaboracion historico cu US Soccer Coaching Education di Georgia State. Como parti di esaki ya caba e curso di “Grassroots” a tuma lugar y pronto e segundo parti di e colaboracion lo bira realidad, esta un curso pa cu Licencia D. Esaki lo bay tuma lugar aki na Aruba mes, di dia 23 pa 27 di september 2024. Dos instructor di US Soccer Coaching Education lo biaha



pa Aruba y lo lidera e curso aki. E curso aki ta disponibel exclusivamente pa entrenadornan di SV RCA, Victory Boys, y SV Flamingo. Un total di 26 Coach a registra y lo bay participa na e cursonan aki.

Tur licencia di US Soccer ta reconocí pa Concacaf y ta marca un paso figo y significativo pa desaroyo di e coachnan di futbol rib’e islanan ABC. E curso, cu normalmente ta dura 6 luna, a ser

adapta specialmente pa nos islanan ABC y asina lo duna e 26 coachnan cu a registra e oportunidad pa completa esaki den un periodo mas cortico.

E “D License Course” na Aruba, lo marca e prome biaha den historia cu un licencia di US Soccer lo haci pafó di Merca. E logro historico aki, lo tambe habri porta pa US Soccer den region Caribe. Aunke e curso pa e buelta aki ta exclusivamente p’e

coachnan di RCA, Victory Boys y SV Flamingo, e tres club tin pa traha duro pa habri esaki pa tur club den futuro y asina aporta di nan banda na engrandece e futbol riba nan tres islanan. Door di e colaboracion cu US Soccer Education, e clubnan aliado tambe a logra obtene dos lug p’e islanan ABC pa aña den e curso di Licencia C cu ta hopi keri na Merca. E licencia C tin solamente 100 lug disponible na Merca. E oportunidad aki ta un paso importante pa esnan cu tin ambicion pa bira coach profesional y ta duna nan un caminda unda por sigui desaroya nan habilidadnan. Aparte di e cursonan pa coach e clubnan RCA, Victory Boys y SV Flamingo, lo bay organisa un “College Clinic” na cuminsamento di 2025 rib’e islanan. Mas informacion tocante esaki lo sigui pronto.

Jeff Lopez, Presidente di

RCA, a expresa su orguyo pa cu e logro aki, bisando, “E colaboracion aki lo habri porta pa hopi mas. Banda di fortalece nos infraestructura di nos coachnan, nos ta crea oportunidad nobo pa nos hubenitud pa por logra nan soño y crea bon ser humano pa nos comunidad riba nos islanan.”

Hassnah Elhage, Presidente di SV Victory Boys, ta agrega, “Nos ta orguyoso di por brinda nos coachnan un trayecto di coaching cu lo empodera nan y dunando nan hermentnan cu lo eleva futbol riba nos islanan, inspira e siguiente generacion di futbolista y coachnan. Hunto nos lo sigui traha pa profesionalisa futbol.” Evelina Cecilia-de Jongh, miembro di directiva di SV Atlético Flamingo, ta remarca, “Esaki ta un paso monumental pa desaroyo di futbol n’e islanan ABC, y nos ta spera di mira su impacto a largo plaso.”

CrowdStrike ta calcula cu e blackout tecnico anteriormente a laga un buraco di 60 milyon dollar den su benta

(AP) - Especialista den seguridad cibernetico CrowdStrike Holdings riba diaranson a calcula cu el a ricibi un golpi di alrededor di 60 milyon dolar den su benta luna pasa despues cu e lansamento di un actualisacion cu fayó a causa un blackout den tecnologia cu a laga miles di persona pega den aeropuerto ademas di otro consecucionan fuerte.

Aunke e blackout masivo a spanta clientenan cu ken e compania tabata di cera tratonan cu un total di 60 milyon



dollar durante e simannan final di CrowdStrike su di dos kwartal fiscal, checutivonan

di e compania ta anticipa cu e lo por logra cera e contractnan aki prome cu e aña fis-

cal clausura den januari 2025 pa motibo cu e clientenan te ainda tin fe den su produccion apesar di e incidente cu a sosode.

“Nos mision ta sigui bibo y mi sa cu CrowdStrike su miho diano ta nos dilanti,” CEO George Kurtz a conta e analistanan durante un yamada cubriendo e compania su periodo di april pa juli. Tambe el a pidi despena pa e compania su rol den e blackout cu el a bisa “nunca mi lo lubida y mi compromiso ta pa esaki nunca mas sosode. E dianan despues di e incidente ta

entre esnan mas dificil di mi carera pa motibo cu mi a sinti profundamente loke nos clientenan a experiencia.”

Kurtz su comentarionan, conhuntamente cu ganashinan cu a surpasa e analistanan su pronostico, aparentemente a duna confiansa na e inversionistanan cu tin tempo invertiendo den CrowdStrike simannan recien. E balor a aumenta durante diaranson, lagando e prijs 13% bao e nivel cu e tabata prome cu e incidente, un perdida di alrededor di 10 biyon dollar den balor di mercado

Waiternan robotico na Kenya ta hala atencion pero tampe preocupacion pa kico esaki ta nifica pa labor humano

(AP) - Muchanan ta hari y hobennan ta saca nan smartphone pa graba e robotnan cu e tayan di cuminda prepara pa entrega nan den restaurantnan na Kenya su capital.

Nairobi tin un industria di tecnologia vibrante cu varios compania y innovacion den operacion y a posiciona su mes como un centro di tecnologia den e region, cargando e nomber The Silicone Savanna.

Aki ta trata di Robot Cafe, cual aparentemente ta e prome di su tipo na Nairobi y e region, unda 3 robot ta pasa entre e waiternan humano ta entrega cuminda na clientenan asombra.

E robotnan preprograma aki a ser adkiri pa entretenimento. Tono di e cafe Mohammed Abbas a bisa cu el a experiencia e servicio di robot na Asia y paisnan Europeo y a dicidi di inverti den esaki.

“E tabata hopi caro pa impor-

ta e robotnan,” el a bisa, pero a agrega cu e inversion a duna fruto pa motibo cu e “restaurant hopi biaha ta druk cu clientenan curioso” cu ta bay pa experiencia e servicio di e robot.

Un cliente, Packson Chege, a gara su tayo for di e robot mientras su amigo ta graba e experiencia.

“Mi por bisa cu e ta algo unico a motibo cu aki na Kenya, nunca mi a yega di mira un restaurant manera esaki, pues mi ta kere cu p’ami, e ta un bon idea.”

E 3 robot, cual tin e nomber di Claire, R24 y Nadia, no ta programa pa tin un conversacion completo cu e clientenan pero nan por bisa “Bo pedido ta cla, Bon Bini” y despues di coy e cuminda e clientenan ta primi un boton.

Nan ta ricibi ordo for di waiternan via un aplicacion riba un iPad.

E waiternan humano te ainda



ta importante den e operacionnan di e cafe, pa motibo cu nan ta tuma e pedido di e clientenan cu no ta usa e opcion di haci pedido online. E waiternan ta pone e cuminda riba e robot ora cu esaki ta cla y ta hiba e bebidanan den persona.

E tecnologia ta anticipa di stroba e forza laboral den futuro globalmente y special-

mente na Africa, unda tin un poblacion hoben di alrededor di 19 aña medio.

Sinembargo e manager di e cafe ta bisa cu robot no ta un reemplazo pa empleadonan humano mirando cu nan no por ofrece tur servicio.”

“Na ningun punto e robotnan por funciona completamente den tur e servicionan

cu ta andando den un restaurant sin e toke humano,” John Kariuki a bisa. “E robotnan en realidad ta demasiado caro pa nos adkiri, pues si bo kier spaar placa, e no ta bay funciona si bo scoge di bay e ruta di robot.”

Un experto den industria di hospitalidad, Edith Ojwang a bisa cu tin espacio pa servicio di robot cu ser humano co-existi den e industria.

“E industria di hospitalidad ta hopi diverso. Nos tin clientenan cu ta prefera servicio cu robot y automatizacion completo, mientras tambe nos tin clientenan cu ta prefera lidia cu un ser humano, e toke humano y e calor cu ta bini cu servicio humano pues e ta haci e robot no ta un menasa completo pa labor di ser humano, danki na e naturalesa diverso di hospitalidad su base di cliente,” el a comenta.



Accidente pa falta di preferencia na Caya G.F. “Betico Croes”

Diabierna atardi a drenta informe di un accidente na Caya G.F. “Betico” Croes, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda e Suzuki Swift shinishi a subi caminda sin a duna e vwagen blauw preferencia y a bay dal den dje.

Afortunadamente ningun hende a resulta herida.



Polis a bay Tarabana pa motociclistanan cu a para trafico pa haci nan show

Diabierna atardi a drenta informe cu 2 motociclista a para trafico pa nan a haci un show, mesora a dirigi un patruya na e sitio.

Na yegada di e patruya a bin encontra algun motociclista y un otro grupo di persona pero nan a bisa cu nan no ta involvi y e otro grupo di personanan cu tabata chill na e sitio tampoco. Polis a controla e brommernan ey pero nan tabata frieuw pues enberdad



cu no ta nan.

Asina mes polis a core cu e

hendenan ey ya cu ta prohibi pa bebe dilanti e supermercado.



Polis a detene homber burachi

Diabierna anochi a drenta informe di cu banda di Weng Kee tin un persona burachi basta cansa ta cana bay bin banda di caminda formando un peligro pa trafico, mesora a dirigi un patruya na e sitio.

Na yegada di e patruya e homber no kier a tende y a resisti contra polis ni cu amistadnan y famia a papia



cun'e no a logra.

Polis mester a usa forsa bruto

pa asina detene y pone den e vehiculo di transporte pa hib' deteni.



Polis a topa cu vehiculo di chauffeur laga atras sin gasolin

Diabierna atardi polis bayendo cu urgencia pa un asistencia a haya nan mes ta para na un auto laga casi meymey di caminda sin ningun hende aden.

Net ora polis a pidi pa un takelwagen e chauffeur ta presenta cu un sonrisa riba su cara apesar di e mal rato el a sa di saca un smile grandi y cana bay compra un “jer-ry-can” nobo y poco gasolin pa e logra yega pompstation pa tank su auto mientras cu polisnan tabata warda e takelwagen. Polis mesora a cancela e take-lwagen.



Chauffeur di un Toyota Altezza a perde control, baha caminda, dal mata di kwihi y sigui bay dal palo di luz



Diasabra madruga a drenta informe di cu tin un auto para meymey caminda na Moko, mesora a dirigi patruyanan na e sitio.

Na yegada di e patruya a bin compronde cu aki ta trata di un accidente unda e chauff-

feur di un Toyota Altezza bayendo nort a perde control den e birada, baha caminda dal mata di kwihi sigui bay dal un palo di lus tambe.

Afortunadamente ningun hende a resulta herida.


Persona cu a ingeri un of otro substancia y a cay kap su cabes



Diasabra madruga a drenta informe di cu tin un persona cu a cay mientras un otro rato ta bis cu el a bringa y cay y awor tin un kap na cabes na Canoastraat

Mesora a dirigi tanto polis como ambulans na e sitio. Na yegada di e ambulans nan a atende e victima y a transporte pa hospital.

Chauffeur y pasahero deteni despues di a dal un auto



Diasabra madruga a drenta informe di un accidente dilanti di Acero na Tanki Leendert y un pleitamento a start, mesora a dirigi varios patruya na e sitio.

Na yegada di e patruyanan a bin compronde cu e chauffeur di un Hyundai Getz a bay reverse y a dal un Hyundai Elantra, un muhe cu a mira e accidente a bay bisa e chauffeur pa e para y no bay ya cu el a dal un otro auto. Den e Getz tabatin un muhe cu a core baha y a ranca ca-



bey di e muhe cu a bisa nan pa para. Polis a intermedia den e pleitamento y a detene e chauff-

feur di e Getz pa stuur auto burachi. Mientras e dama nan a detene pa pleitamento y rancamento di cabey.

Polis a detene chauffeur burachi cu a ocasiona un accidente frontal riba un auto di turista



Diasabra madruga a drenta informe di un accidente dilanti di Marriott Surf Club na Palm Beach, mesora a dirigi un patruya na

e sitio.

Na yegada di e patruya a bin compronde cu aki ta trata di un accidente unda cu e

chauffeur local biniendo for di Malmok a hala na banda robes di caminda y a bay dal frontal riba un auto di huur cu 3 turista aden di cual un a

resulta levemente herida pero no tabata desca atencion di ambulans.

Polis a nota cu e chauffeur

lo ta bao influencia y a pone haci e test. E chauffeur su test a surpasa e limite permiti pa ley y polis a detene.

DNM ta haci un yamada riba organisacionnan y stakeholdernan pa duna nan aporte na e documento pa maneho di 'ontheffing beschermde inheemse flora en fauna'

Directie Natuur en Milieu (DNM) conhuntamente cu Ministerio di Transporte, Integridad, Naturalesa y Asuntonan di Adulto mayor (MINTINO) ta haci un yamada riba stakeholdernan y organisacionnan, cu ta envolvi den e trayecto di peticion y desaroyo di tereno, pa duna nan aporte.

Adhunto e organisacionnan concerni por haya e QR-code cu por scan pa yega na e formulario cu preguntanan necesario cu por yuda duna informacion cu ta den fase di un concepto. E documento pa cu maneho di 'Ontheffing beschermde inheemse Flora en Fauna' ta den fase di 'draft'. Ta concipiando e maneho y den e fase aki ta



desea e colaboracion y aporte di organisacionnan y stakeholdernan.

Den transcurso di siman pasa

a cuminsa manda e formulario hunto cu e documento concipia pa duna direccion na companianan y departamen-

tonan cu DNM ta haya importante pa duna nan aporte. Nos a constata cu ta dificil pa haya informacion actualisa di e manera con por drenta den contact cu e stakeholdernan. Nos a ricibi hopi e-mail cu a bolbe bek di companianan cu por ta no ta activo mas of a cambia nan direccion. Nos ta haci un apelacion pa aporta. Si bo tin un compania cu a entrega peticion na DIP pa desaroya y a yega di desaroya tereno den pasado, bo 'feedback' ta di importancia pa e final di e documento di maneho aki.

Adhunto nos ta comparti e QR code cu un lista di pregunta y tambe nos ta pidi pa habri e pagina web www.publico.aw y busca bou di tab maneho e 'icon' MINTINO, primi riba dje y busca e docu-

mento Draft- ontheffings-beleid beschermde inheemse flora y fauna. E lista di pregunta por tuma ongevêr 5-7 minuut pa duna bo aporte.

E link pa yega na e preguntanan ta e siguiente: <https://forms.office.com/r/Nf0crWTB2V>

DNM ta spera cu conhuntamente nos por yega na e direccion responsabel pa un maneho di 'Ontheffing' cu ta keda na bienestar di nos flora y fauna protegi y pa asina Aruba y su habitantenan actual y di futuro por biba den harmonia cu naturalesa. Asina comparti cu e futuro generacion un naturalesa y medio ambiente den bon condicion. Pa cualkier pregunta of asistencia por e-mail DNM na info@dnm-aruba.org.

Tayer pa maestro 2024

E aña aki Festival di Buki pa Mucha su tema ta: 'Dushi Cablesura!' Biblioteca ta organisa un tayer

pa maestronan, pa asina duna nan idea y tips con pa traha cu e tema den klas.

Lo tin un presentacion cortico di nos Mediateca escolar, duna pa Valerie Figaroa, hefe SMD, unda lo muestra e tra-

bounan na diferente biblioteca escolar.

E aña aki dos facilitado di IPA ta guia e tayer. Nos ta presen-





ta Daylan Krozendijk, docente di Teatro na IPA. Tema di su presentacion lo ta: "Cablesura y locura cu drama". E lo muestra con pa uza Drama na un manera activo pa integra y enfatisa e tema 'Dushi Cablesura!'.

Tambe ta presenta facilitador Gino Vrolijk, cu ta Praktijkdocent na IPA. Sr. Vrolijk ta presenta: 'Pensa critico nivel Cablesura!' Gino vrolijk ta muestra con pa formula preguntanan pa storia pa stimula e diferente nivelnan di pensa cerca mucha.

Tambe e aña aki tin 2 scol invita cu lo duna presentacion cortico di nan aperturanan den pasado, pa asina maestronan por haya ideanan nobo pa cu apertura na nan scol.

Tayernan ta dia 23, 24 y 25 di September, di 3:00 pa 4:30 PM. Dia 23 y 24 lo ta na Biblioteca Playa y dia 25 di September lo ta na biblioteca San Nicolas. Invitacion pa e tayer ta sali e siman aki y por pidi e formulario di inscripcion tambe na e-mail kbfaruba@gmail.com, attn. Valerie Figaroa.

Resultado Sorteo Augustus 31 September 01			
Cadena Alexander Lottery ta presenta resultado di weganan di suerte			



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Anna San Lucas
Tel. 586 8181 Tel. 584 5119

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Entrega bo mascota pa busca rehabilitacion por empeora trauma; Un grupo di Colorado tin intencion di soluciona esaki



(AP) - Simon Rubick a perde tur cos a causa di decada di alcoholismo y adiccion na droga.

Den 2022, el a mira su mes sin vehiculo y sin cas, cual a obliga su 2 yiunan hoben biba cu nan amigonan. El a perde amistadnan cu amigonan y famianan y el a tuma para na hospital a causa di droga pa e realiza cu su adiccion na cocaina lo causa su morto.

Rubick, ken ta biba na Arvada, Colorado tabata sa cu e tin mester di ayudo. Pero prome e mester a wak kico e lo haci cu e unico fuente di amor incondicional y sosten cu e tabatin: su mascota, ken el a rescata, Tonks.

Mayoria centro di rehabilitacion residencial na Merca no ta permiti e pashentnan bay cu nan mascota, segun Rubick di 51 aña. Pues ora cu su ruman homber no por a yuda cuida su cacho mas, Rubick a pensa cu e lo mester tuma e decision doloroso di entrega Tonks na un shelter.

“Basicamente mi mester a scoge entre cuida mi cacho of cuida di mi mes,” el a expresa.

Rubick, ken tabatin mas di 2 aña sobrio y awo ta un coach di recuperacion di adiccion, tabata conecta na e grupo PAWsitve Recovery, cual ta yuda cuida bestia mientras e dononan ta ricibi tratamento pa abuso di droga y alcohol, y tambe pa personanan cu ta lidia cu violencia domestico of crisis di salud mental.

“Hendenan cu ta purbando di rehabilita algun biaha a perde nan famia, nan yiunan of cuakie tipo di sistema di sosten cu nan por a tin,” Serena Saunders, e organisacion su manager di programa a bisa. “Bo no ta bay trata trauma cu bo tin caba pa medio di entrega e unico cos cu no a laga’bo bo so, y esey ta hende su mascota.”



Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un awasero


Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 35 pa 42 grado Celsius
Uv index: 12

Bahada di solo: 6:50pm
Subida di solo: 6:29am

Biento:

Modera for di direccinanan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo). Durante di dia basta fuerte den rafaga; forsa 5 (31 te 39km/ora, 17 te 21 nudo)

Situacion general di tempo: Un disturbio den nivelnan mediano te mas halto di atmosfera ta trece humedad den region mientras e ta



move poco poco bay west. Esaki por induci algun actividad di awasero cu tambe un chance chikito pa lamper cu strena durante e periodo di pronostico aki.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil, rond di 2 pia.
Na partinan oost te noordwest di costa: modera cu olanan alrededor di 3 pa 4 pia.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"No me llores, porque si lloras me apeno.
Encambio si tu me cantas yo siempre vivo y nunca me muero"



Juan Gilbertus Schwengle
Cariñosamente yama "Viejo, Tati, Juany,
Mr. Schwengle"
*06-10-1955 - †23-08-2024

Na number di:
Su forever love:
Odalayne "Oddy" Schwengle-Croes
Su yiu nan:
Josette Schwengle y Sandra Correa Ospina
Tahnee Schwengle
Nathan-John Schwengle
Su curazon nan:
Chanelle Odalayne y Clyde-John Maduro
Izaak Sean y Damian John La Croes
Jayden y Christopher Abma Correa
Mescos su nieto/a nan:
Jaydrick Odor, Nicole Robles, Abigail Kock, Aidan La Croes
Su ruman nan:
Filomena "Mena" Schwengle y famia
Margarita "Greta" Schwengle y Famia
†Ingrid Odor-Schwengle y famia
Famia Schwengle na Hulanda
Stima manera ruman:
Amne Hamoud y famia
Diana y Marlon Pieters y famia
Juni y Ellen Pereira y famia
Esther Ofringa y famia
Su unico tanta stima:
Hendrika "Dika" y Edwin Angela-Marin
Su swa y cuña nan:
Aiza Croes y famia
Aldrich y Irene Croes y famia
Randall y Ana-Maria Croes y Famia
Roland Odor
Su subrino/a nan:
Christine, Krystle, Jarlath, Randall, Wesley y Nasya Kevin, Johnathan, Celine, Silvianna
Su primo/a nan mas jega:
Mariana Jimenez y famia, Andres Garcia y famia, Alex Aponte y famia, Vladimir de Cuba y Famia, Fidel de Cuba y Famia, Mirta, Linda y Micka Rasmijn y famia, Mayra v/d Linden y famia, Famia Marin, Aurita Maduro y famia
Stima manera mama: Magda Steenen y famia Daphne Arends y famia
Stima manera tanta: Erla y Marcia y famia
Su comadre y compadre nan stima:
Sonaly Fernandez y famia
Egbert Frigerio y famia Edi Diaz y famia
Rudje Arends y famia
Carlos Bulos y famia
Paul Croes y famia
Su amigo/a nan stima:
Blanca y Jorge, Carlos Molina, Zelda y Godfried, Carmen y Bito, Mayon, Quetica y Brian, Armand, Harold y Yvone, Aurita, Cinthia, Marieta, Emily, Estrellita, Mientje, Eveline, Anchic, Elvia y Alex, Miriam, Desiree, Gloria, Benita, Minerva, Sharlene, BabyJoy y famia, Zilia y famia, Jani y famia
Su bon amigo/a nan di:
Grupo Theatral Kibrahacha "GTK", DC Brothers, Colegio Gang y Djiespies
Su ex-collega nan di: St. Dominicus College, Directie Onderwijs Aruba, Scol di Amor, Traimerdia, ECA NV y Mascaruba
Demas famia, amigo/a nan y conoer nan:
Schwengle, Croes, Marin, v/d Linden, Verhoeks, Odor, Aponte, Angela, Jimenez, Wever, Rasmijn, Thijsen, Acosta, Rosales, Maduro, Krozendijk, Valentijn, Boerman, Brokke, La Croes, Fernandez, Tromp, de Cuba, Hernandez, Correa Ospina, Garcia, Heymering, Ruiz, Fingal y Martinez
Un danki ta bai di curason na:
Dr. Joaquin v Trigt y staff
Dr. Casper Lacle y staff
Dr. Romeo Kock y staff
Personal di Ambulance y polis cu a lucha te na fin
Su ayudante nan di cas:
Milena, Pedro, Julio y Surette
Ta invita pa e acto di condolencia dia 02 September 2024 di 7.00pm - 9.00pm na Aurora Funeral Home. Despedida lo tuma lugar dia 03 September 2024 di 1.00pm - 4.00pm na Aurora Funeral Home.
Nos disculpa si por a lubida di pone algun famia, amigo/a of conoer. Despues di despedida nos NO ta ricibi bishita na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta nos refugio,
E ta nos fortaleza,
El a resulta un yudador den mester.
Salmo 46:1

Cu dolor na nos curason, nos ta participa
fayecimento di tata di Joshua, nos ser stima:




Sady Sixto Ignacio
*06-08-1950 - †28-08-2024

Na number di su casa
Entierro a tuma lugar den seno familiar
diasabra 31 di augustus 2024.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

The Lord is my shepherd,
I shall not want.
Psalm 23.
With deep sorrow we announce the
passing of our beloved:



Mrs. Violet Irene Cicilia Gibbs
*28-10-1932 - †28-08-2024

Date and time of the funeral, will be
announced later.

ECA
COMMUNICATION GROUP

Hits100
100.9FM

IN LOVING
Memory



Juan Gilbertus Schwengle

*06-10-1955 - †23-08-2024

Swa di Gerencia, Casa di ex colega Oddy Schwengle-Croes
y ECA N.V. su prome empleado.

Na number di henter e team di ECA N.V., ex coleganan y Hits 100FM,
nos profundo condolencia. Cu Juany sosega na paz.

Acto di condolencia: 02/09/2024 di 7pm - 9pm na Aurora Funeral Home
Despedida: 03/09/2024 di 1pm - 4pm na Aurora Funeral Home

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Salmo 23. "Señor ta mi wardador mi n' tin falta di nada.
Maske mi pasa den e klof di mas skur mi n' tin miedo di nada"
Cu imenso dolor y tristesa na nos curason nos ta anuncia falcimento di:



Sra Vda. Higinia Marciana Victorina Ras
Mihor conoci como Ina, Inche, Ind Ina La Bailarina.
Casa di † Carlos Boekhoudt

Mama: † Anna Grovell
Tata: † Hyacintho Ras
Padraastro: † Sylvio Cominencia

Su yuinan: Micheal Ras y yui
Gregory y Carolina Sanchez y
Victoria Sanchez
Anthony Sanchez y yui
Angelo Sanchez y yui nan

Nieta Stima Manera yui: Naomi Wilson y Chris Dirksz y jiuinan

Su Ruman nan:
Diana Ras y Freddy Kelly y yiuinan
Norma Ras y Jairo Violenus y yiuinan
Freddy y Lisette Ras-Rodriguez y yiuinan
Seagrid y Nel Frank-Ras y yiuinan
†Hyacintho Ras y yiuinan
Claudia y Tino van der Biezen-Ras y yiuinan

Nieto y Nietanan, Bisaniecto y Bisanieta nan, Tanta y Omo nan, Primo y Prima nan
Subrino y Subrina nan / Iha nan / Swa y Cuña nan.
Su bon Amigo di Cas: Roy Sneek
Chito Volk
Rose Volk di

Corsow

Demas Famia nan y demas conocir mucho hopi pa menciona na Aruba, Hulanda, Corsow, Boneiro, USA, Inglatera. Grupo di fiesta / Grupo di Song Festival bot.
Su ex-colega nan di Renaissance Island Aruba / RED Sail Sport (Peter de Hoog),
Aura Brema (lotto)
Amigo nan piscado

Na Nomer di Famia y conocirnan: Ras, Boekhoudt, Grovell, Geerman, Sanchez, Aparicio, Kelly, Violenus, Rodriguez, Frank, van der Biezen, Wilson, Donata, Franken, Matos, Kock, Solognier, Bislip, Quant, Ridderstap, Goeloe, van der Linden, Tromp, Casuela, Pannefle, Paesch, Schwengle, Gamara, Wouters, Simon, Flanders, Silberie, Ruiz, Werleman, Jansen, Lejuez, Lopes.
Demas Famia nan y Conocir nan na Corsow: Cominencia, Martina, Maduro, Julia.

Deseo di defunto ta pa bisti alegre, enbes di flor lo tin un box disponibel pa hasi donacion pa Hospice Atardi

Dispensa si den nos tristesa nos por a lubida algun familiar y amigo nan.

Ta invita tur famia, amigo, bisiaña y conocir nan pa asisti na acto di condolencia cual lo tuma lugar Dialuna 02 September 2024 di 7pm -9pm. Creamacion Diamars 03 September 2024 di 2pm - 4pm atardi na Pray Funeral Home San Nicolas.

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Lagrima y floran por seca, pero su recuerdonan y tur loke el a haci y significa pa nos, lo keda graba pa semper den nos mente y corazon"
Salmo 62:1

Cu hopi dolor na nos curason pero conforme cu Dios su boluntad nos ta anuncia fayecimento inespera di nos ser stima



Oscar Augustin Bergrok
Cariñosamente yama "Osca"
*19 augustus 1954 - †29 augustus 2024

Na nomber di su:
Yiuinan: †Gilbert Conrad y Charlene Marlene Bergrok-Geerman
Gwendeline Silvenne Bergrok

Nietonan: Gilwert Iwan Bergrok - Kimberly Franken
Dywen Aeshan Bergrok

Ex Casa: Silfia Erasmus

Mayornan: Melius (Nel) y † Antonia Bergrok-Quandus

Rumannan: Edgar (Ga) Bergrok
Geraldine (Gina) Bergrok- Willmard (Gino) Solognier Elaine

Sobrino: Erwin Bergrok, Daniel Bergrok, Ashwin Bergrok, Ashmar Bergrok, Ashberg Bergrok, Ashanthe Solognier

Bon bisiaña: Famia Bermudez

Tanta y omo(nan), prima y primonan y yiuinan, tur su ihanan, padrino y madrina, comer y compernan, amiga(nan) y amigo(nan), conocirnan y bisiañanan di Boegoeroei.

Demas famia: Bergrok, Quandus, Erasmus, Geerman, Solognier, Franken, Gomez, Tromp, Bermudez, Britten, Guede, Leest, Toms, Burke, Van der Valk, Van Leeuwen, Kooistra, Eckmeyer, Voss, Hoek, Farro, Giel

Ta invita pa e acto di despedida cu lo tuma lugar diarason 4 september na Aurora Funeral Home & Crematory di 9or pa 11or di mainta. Acto di cremashon lo tuma lugar den seno familiar.

Despues di cremashon no ta ricibi bishita di condolencia na cas.
Nos disculpa si den nos tristesa nos por a lubida cualkier persona

Aurora
Royal Pray
Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristeza na nos curason, nos ta participa fayecimento di



Arsenio R. Willems
Mihor conoci como: "Tilo"
*02-08-1960 - †28-08-2024

Acto di entierro lo wordo anuncia despues.

Ehército di Pakistan ta bisa cu insurgentenan a libera un agente militar y 3 otro secuestra diaranson



(AP)—Insurgentenan diasabra a libera cuatro persona, incluyendo un agente militar cu a ser secuestra cinco dia pasa for di un fort di e Taliban Pakistani, e ehército a bisa.

Lt.Col. Khalid Ameer a ser secuestra diaranson mientras e tabata sintando den un moskee pa ricibi hende den luto despues di e entierro di su tata, segun polis local.

E "liberacion no condicional" di Ameer y tres otro di su famia a ser segura debi na e rol hunga pa e miembronan mayor di tribu y "tur e secuestradonan a regresa nan cas," e ehército a bisa den un declaracion sin duna mas detaye.

Ningun hende a tuma responsabilidad pa e secuestronan den Dera Ismail Khan, un distrito den e provincia di Khyber Pakhtunkhwa den noroeste Pakistan. Sinembargo, declaracionnan den video publica algun ora despues cu e cuatro personanan a ser secuestra, dos di e secuestradonan a urgi e gobi-erno pa acepta e demandanan di e secuestradonan, aunke esakinan no tabata claro.

Aunke e Taliban Pakistani sa ataca forsan di seguridad, secuestronan asina y liberacionnan di secuestradonan no ta comun.

ONU lo sigui traha cu e Taliban na Afganistan a pesar di leynan limitante nobo riba hende muhe

(AP)—E **Organisacion di Nacionnan (ONU)** ni lo sigui traha cu tur stakeholder na Afganistan, incluyendo e Taliban, segun un vocero di ONU a bisa, aunke e gobernadornan di Afganistan a implementa un prohibicion riba bosnan y cara di hende muhe den publico y a cera relacion cu e mision di ONU despues di kritik'e.

Vocero pa ONU Staphane Dujjaric na New York a defende e Mision di Asistencia di ONU na Afganistan, of UNAMA, y su hefe Roza Otunbayeva, ken a bisa cu e leynan nobo ta duna un "vi-

sion angustioso" pa e futuro di Afganistan.

El a bisa siman pasa u e leynan ta extende e "limitacionnan ya caba intolerable" riba e derechonan di hende muhe y mucha muhe. E leynan a ser implementa despues di ser aproba pa Hibatullah Akhundzada. E Taliban a crea un ministerio pa e "propagacion di virtud y e prevencion di vicio" despues di a tuma poder na Afganistan na 2021. Nan ta bisa cu e leynan ta basa riba nan interpretacion di ley Sharia.

E ministerio a haci yamado riba organisacionnan interna-



cional, pais- y individualnan pa respecta e balornan religioso di Musulmannan. El a anuncia diabierna cu e no lo

coopera cu UNAMA pa via di su critica riba e leynan.

"Nos tabata hopi vocal riba

e decision pa sigui haci e presencia di hende muhe casi desaparece na Afganistan. Pa loko ta e contractnan cu e autoridatnan de facto, nos lo sigui comunica y traha cu tur stakeholder na Afganistan, incluyendo e Taliban," Dujjaric a bisa na un conferencia di prensa.

"Nos semper a haci esaki siguiendo nos orden y mi lo bisa imparcialmente y den bon fe, semper nos ta mantene e normanan di ONU, pushando e mensahe di derechonan humano y igualdad. Y nos lo sigui nos trabao manera e Consejo di Seguridad a ordena."

ONU ta aloca 100 miyon dollar pa emergencianan humanitario den dies pais rond mundo

(AP)—E **Organisacion di Nacionnan Uni (ONU)** a aloca 100 miyon dollar ayera pa emergencianan humanitario den dies pais na Africa, e Medio Oeste, Asia y Caribe.

Chief humanitario di ONU, Joyce Msuya, a bisa cu un falta di fondo den e paisnan aki ta preveni agencianan di ayudo provee asistencia cu por salba bida, "y esey ta tristo." Mas cu un tercer di e fondo nobo for di e Central Emergency Response Fund conoci como CERF lo bay pa Yemen, unda un guera civil actualmente ta den su di dies aña, y Etiopia, unda forsan gubernamental ta bringando cu varios grupo di rebelde den su regionnan como tambe insurgencianan relaciona

cu etnicidad. Yemen ta bay haya 20 miyon y Etiopia 15 miyon dollar.

Operacionnan humanitario den paisnan plaga cu añas di conflicto y desplazamento, empeora pa shocknan climatico tambe lo haya fondo: Myanmar (12 miyon dollar); Mali (11 miyon dollar); Burkina Faso (10 miyon dollar); Haiti (9 miyon dollar); Cameron (7 miyon dollar) y Mozambique (7 miyon dollar).

Tambe pa dos pais sufriendo di inseguridad alimentario severo pa via di e sekia induci pa e fenomeno climatico El Niño y inundacionnan, esta Burundi (5 miyon dollar) y Malawasi (4 miyon dollar). Esaki tabata e segundo aloca-

cion di CERF di 100 miyon dollar den fondo di emergencia pa emergencianan humanitario e aña aki. Na februari, e placa a bay pa Chad, Congo, Honduras, Libanon, Niger, Sudan y Siria.

Pero e Oficina di Coordinacion di Asuntonan Humanitario di ONU, conoci como OCHA, cual ta maneha CERF, a bisa cu e 200 miyon dollar aloca e aña aki ta e suma mas abao den e ultimo tres añanan, "subrayando e buraco creciente entre necesidad humanitario y e fondo di donante cu CERF ta ricibi pa cumpli cu nan."

E aña aki, e comunidad humanitario a apela pa 49 biyon dollar pa alcanza 187 miyon hende den crisis mundi-



almente pero a ricibi solamente 29 porciento, lagando un buraco di 35 miyon dollar, OCHA a bisa.

Ademas di aloca fondo pa e dies paisnan ayera, ONU y

su partnernan a lansa apelacionnan di emergencia pa alcanza 14.5 miyon hende den parti sur di Africa afecta pa El Niño: Zambia, Zimbabwe, Mozambique y Malawi.

Presidente di Iran ta bisa cu su pais mester mas di 100 biyon dollar den inversion externo

(AP)—E **presidente di Iran** a bisa ayera cu su pais mester di mas di 100 biyon dollar den inversion externo pa logra su obheto anual di 8 porciento den crecimiento economico for di e grado actual di 4 porciento.

E declaracionnan pa Masoud Pezeshkian, ken a ser eligi na juli, a in den su prome entrevista televisa pa media di comunicacion di estado. Pezeshkian a bisa cu Iran mester te cu 250 miyon dollar pa logra su metanan pero mas cu mita ta disponible for di recursonan domestico.

Expertonan ta bisa cu crecimiento den GDP di 8 porciento lo reduci inflacion y gradonan di desempleo.

Centenares di entidadnan y hende na Iran—for di e banco central y oficialnan di gobierno pa productornan di drone y intercambiadornan di placa—ya ta bao sancionnan internacional, cu hopi di nan acusa di apoya e Guardia Revolucionario di Iran y gruponan militante manera Hamas, Hezbollah y e Houthinan cu material.

Pezeshkian a keha den su entrevista tocante e sancionnan

y a bisa cu su administracion ta planea pa reduci inflacion, cual ta core riba 40 porciento anualmente, "si nos resolve nos problemanan cu nos bisiñanan y e resto di mundo." E no a elabora riba esaki.

Pezeshkian a confirma cu su prome bishita den exterior lo ta pa Irak y e lo bula despues pa Ne York pa asisti na e Asamblea General di ONU dia 22 y 23 di september. El a bisa cu mientras e ta na New York e lo reuni cu expatriadonan Irani, aproximadamente 1.5 miyon hende Irani bibando na Merca.

Pezeshkian, ken ta ser con-



sidera como un reformista, a ser hura den oficina luna pasa y parlamento a aproba su gabinete na comienso di augustus, primintiendo un tono mas suave ambos paden y pafo di e pais. Su predecesor, Ebrahim Raisi, ken tabata un estudiante di e lider supremo di Iran y ken a lidera e pais mientras el a enrikece uranium pa nivelnan casi riba grado pa crea arma, a muri den

un accidente di helicopter na mei, hunto cu shete otro persona.

E economia di Iran a sufri desde 2018 despues cu e presidente Mericano e tempo ey, Donald Trump, a saca Merca for di e trato pa constreñi e programa nuclear di Tehran y impone mas sancion. Pezeshkian a bisa durante su campaña presidencial cu e lo purba rebiba e trato nuclear.

Canada ta suspende permisonan di trabou na bishitantenan stranhero

(DW) - Gobierno di Canada a stop di duna permiso di trabou na bishitantenan stranhero, un politica cu a drenta na vigor durante e epidemia di Covid-19, segun emisora publico Canades CBC a informa diabierna ultimo.

Esaki ta e ultimo decision tuma pa autoridadnan Canades pa limita e cantidad di trahadonan stranhero den e economia Canades, como tambe demandantenan di



refugiado cu ta yega e pais. E medida a keda establece na augustus 2020 pa yuda bishitantenan di exterior cu

tabata na Canada y cu no por a regresa nan luganan di origen pa motibo di e ceramento di e fronteranan. Desde e tempo ey, 6,549 persona a aplica pa permiso di trabou bao di e programa y 4,761 a haya autorisacion.

E gobierno di Canada a anuncia na prome instante cu e lo stop di duna permiso di trabou na bishitantenan di exterior na februari 2025.

Pero Canada inesperadamente a cancela e medida diaranson di siman pasa, "pa ahusta e cantidad

di residentenan temporal na Canada y conserva e integridad di e sistema di inmigracion", Ministerio di Inmigracion a bisa e tempo ey den un comunicado cu e medionan di comunicacion no a informa te awor.

Den e ultimo lunanan, e aumento rapido den e costo di bida, e scarsedad di vivienda pagabel y e tasa halto di desempleo bou di inmigrantenan nobo a provoca protestanan den sectornan amplio di sociedad Canades exigiendo cambianan den e politica di inmigracion di e pais.

Como contesta riba critica, e gobierno di Canada a cambia regulacionnan pa acepta demanda di refugiado, a impone limitenan riba e cantidad di studiantenan stranhero den e pais y mas recientemente a anuncia reduccion na e programa di trahado stranhero temporal cu e meta di reduci for di 6.1% actual na 5% e proporcion di residentenan stranhero temporal cu respet pa e poblacion total.

Actualmente, e cantidad di residentenan stranhero temporal na Canada ta 2.8 miyon hende, compara cu solamente 1.4 miyon dos aña pasa.

Ehecutivo Canades tambe a bisa cu den e proximo lunanan lo anuncia cambianan pa reduci inmigracion permanente. Na 2022, Canada a autorisa e yegada di 431,645 inmigrante na e pais y na 2023, 465,000 inmigrante.

Como parti di e politica nobo, algun compania Canades lo mester reduci e cantidad di trahadonan stranhero temporal y lo tin un periodo mas cortico pa proba cu e trabounan aki no por ser yena pa un residente permanente of ciudadano Canades.

Na 2024 e cifra lo subi na 485,000 y un aña despues e lo alcanza 500,000 inmigrante.

**DESDE 1 DI JULY 2024 CONFORME LEY,
ARUBA WASTEWATER SUSTAINABLE SOLUTIONS
AWSS
TA ENCARGA CU RWZI NA ARUBA.**

**RWZI
SYSTEMA DI RIOOL
PLANTA NAN DI PURIFICACION**

Pa mas informacion:

www.awss.aw | [AWSS](https://www.facebook.com/AWSS) | info@awss.aw

[280-0436](tel:280-0436)

Aruba Wastewater Sustainable Solutions

A revolution in sustainable wastewater solution

BONDIA
ARUBA

**NO
STUUR
CU CEL
DEN BO
MAN
WARDA!**

**ESAKI
POR**